



اؤزبېک تیلی

اوچینچی صنف درسلیک کتابی





سرود ملی

دا وطن افغانستان دی	دا عزت د هر افغان دی
کور د سولې کور د تورې	هر بچی یې قهرمان دی
دا وطن د ټولو کور دی	د بلوڅو د ازبکو
د پښتون او هزاره وو	د ترکمنو د تاجکو
ورسره عرب، گوجر دي	پامیریان، نورستانیان
براهوي دي، قزلباش دي	هم ایماق، هم پشه پان
دا هېواد به تل ځلېږي	لکه لمر پر شنه آسمان
په سینه کې د آسیا به	لکه زړه وي جاویدان
نوم د حق مودی رهبر	وایو الله اکبر وایو الله اکبر

بِسْمِ اللَّهِ الرَّحْمَنِ الرَّحِيمِ



معارف وىزىرلىگى

اۋزىپىك تىلى

اۋچىنچى صنف درسلىك كىتابى

باسىلگن يىلى: ۱۳۹۹ ھ. ش.

الف

کتاب مشخصاتی

مضمون: اوزبیک تیلی درسلیک کتابی

مؤلفلر: تعلیمی نصاب اوزبیک بۆلیمی درسلیک کتابلر مؤلفلری

تېکشیرووچیلر: تعلیمی نصاب اوزبیک بۆلیمی درسلیک کتابلر مؤلفلری

صنف: اوچینچی

متن تیلی: اوزبیک

یوکسلتیرووچی: درسلیک کتابلر تألیفی و تعلیمی نصابی نینگ یوکسلتیریش عمومی ریاستی

ترقه نووچی: معارف وزیرلیگی عامه آگاهلیگی و روابط ریاستی

باسیلگن ییلی: هجری شمسی ۱۳۹۹

ایمیل آدرس: curriculum@moe.gov.af

درسلیک کتابلر معارف وزیرلیگی گه تېگیشلی بۇلیب، بازارده آلدی - ساتدی گه اجازه بېریلمهیدی.

متخلفلر بیلن قانونی معامله بۇلهدی.

معارف وزیري نينگ پيامي

اقرأ باسم ربك

بیزگه حیات بغیشلەگن و اوقیش و یازیش بویوک نعمتی که اېگه قیلگن تینگری تعالی دن منتدارمیز و الله ﷻ تمانیدن بیرینچی قتله اوقیش پيامی نازل بولگن اېنگ سؤنگی رسول حضرت محمد مصطفی ﷺ گه کؤپ درودلر بولسین.

۱۳۹۷نچی ییلی، معارف ییلی نامیگه مسمی بولگن لیگی برچهلرگه معلوم دیر. شونده ی بیزنینگ عزیز مملکتی میزده تعلم و تربیه تیزیمی نینگ اېریم بولیم لریده اساسی اؤزگیش لر کبلیشی ممکن. اوقیتووچی، اوقووچی، کتاب، مکتب، اداره و آتە-آنەلر کېنگش ادارهلری، افغانستان معارف تیزیمی نینگ اساسی و آلتی لیک عنصرلریدن حسابلەندی و بولر مملکت تعلیم و تربیه سینیی رواجلنتیشیده مهم رول اوینه ییدی. بونده ی بیر مهم پیته، افغانستان معارفی نینگ بویوک عایله سی و باشچیس، مملکت تعلیم و تربیه سی نینگ زمانوی تیزیمینی رواجلنتیریشده اساسی اؤزگیشلر یرەتیش اوچون قرار قبول قیلگن.

شو اوچون، تعلیمی نصابنی اصلاح و رواجلنتیریش، معارف وزیرلیگی نینگ مهم بیرینچی درجه ده گی ایشلریدن سنه له دی. درسلیک کتابلر کیفیتی، محتواسی و اولرنی مکتبلر، مدرسه لر و باشقه دولتی و شخصی تعلیمی اداره لرده ترقه تیش جریانی تۇغریسیده اعتبار قره تیش معارف وزیرلیگی نینگ دستورلریده بیرینچی اؤرینده دیر. بیزنینگ درسلیک کتابلریمز کیفیتلی بولمه گن صورتده، مملکتده تعلیمی پایدار هدفلرگه اېریشه آلمه ییمیز.

یوقاریده گی ذکر بولگن هدفلر و بیر مهم تعلیمی تیزیم که اېریشیش اوچون، مملکت بویچه برچه اوقیتووچیلردن، اولرنی کبله جک نسل نینگ تربیه لووچیلری صفتیده، التماس قیله میز که اولر اوشبو کتاب و محتواسینی عزیز باله لرگه اؤرگه تیش جریانیده هر قنده ی سعی و حرکت لریدن باش تارتمه سینلر و دینی، ملی و انتقاد فکری بولگن فعال و آگاه نسلنی تربیه لاش اوچون کوشش قیلسینلر. اوقیتووچیلر، هر کون ینگى تعهد و مسؤولیت پذیرلیکدن تشقیری، عزیز اوقووچیلر نینگ یقین کبله جکده افغانستان نینگ ثمره لی، متمدن و معمار خلقی صفتیده رواجلەنیشی نی نیت قیلیب، درس بېریشنی باشلەسینلر.

عزیز اوقووچیلردن، اولرنی مملکت نینگ کبله جک اېنگ ارزشلی سرمایه سی صفتیده، ایسته یمن که اولر فرصتنی قولدن بېرمه ی، اوقیتووچیلر نینگ درسیدن ادب و احترام کمالی بیلن علم اؤرگه نیب، اولر نینگ بیلیمیدن تۇغری شکله فایده لانسینلر.

آخرده، مملکت برچه تعلیمی ایش بیلرمانلری، تعلیم و تربیت دانشمندلری و اوشبو درسلیک کتابنی تیارلش و ایدیت قیلیش اوچون جدی سعی و حرکت قیلگن تعلیمی نصاب بولیمیده گی فنی همکارلردن منتدارچیلیک بیلدیریب، اولرگه تینگری تعالی دن بو مقدس و انسان ساز یۇلده موفقیت لیک ایسته یمن.

بیر معیاری و رواجلنگن معارف تیزیمی که اېریشیش و آزاد خلقلی آباد، آگاه و مرفه افغانستان آرزوسی بیلن.

دکتور محمد میرویس بلخی

معارف وزیري

عنوانلر فهرستی

سان:	عنوانلر:	وقت:	بیت لر:
۱-	الله (جل جلاله)	بیر درسلیک ساعت	(۲-۱)
۲-	کلمه طیبه	بیر درسلیک ساعت	(۴-۳)
۳-	حضرت محمد (صلی الله علیه و آله وسلم) ...	بیر درسلیک ساعت	(۶-۵)
۴-	آنه تیل	بیر درسلیک ساعت	(۹-۷)
۵-	بهار	بیر درسلیک ساعت	(۱۱-۱۰)
۶-	اوی باغچه سی	ایکی درسلیک ساعت	(۱۳-۱۲)
۷-	شهریمیز، اوییمیز دیر	ایکی درسلیک ساعت	(۱۶-۱۴)
۸-	یاغمیر	ایکی درسلیک ساعت	(۱۸-۱۷)
۹-	حیوانلر باغی (باغ وحش)	ایکی درسلیک ساعت	(۲۱-۱۹)
۱۰-	کیم ونیمه سؤراق سؤزلری	بیر درسلیک ساعت	(۲۴-۲۲)
۱۱-	ایچیملیک سوو	ایکی درسلیک ساعت	(۲۷-۲۵)
۱۲-	قوشلر	ایکی درسلیک ساعت	(۲۹-۲۸)
۱۳-	پیلّه قورتی	ایکی درسلیک ساعت	(۳۲-۳۰)
۱۴-	تینچلیک	بیر درسلیک ساعت	(۳۴-۳۳)
۱۵-	یخشی لیک	ایکی درسلیک ساعت	(۳۷-۳۵)
۱۶-	قویاش فایده سی	ایکی درسلیک ساعت	(۴۰-۳۸)
۱۷-	نوبت نی مراعات قیلش	ایکی درسلیک ساعت	(۴۳-۴۱)
۱۸-	یوک تاشووچی واسطه لر	ایکی درسلیک ساعت	(۴۵-۴۴)
۱۹-	سگرت ضررلری	ایکی درسلیک ساعت	(۴۷-۴۶)
۲۰-	قناتلی چومالی (مورچه)	ایکی درسلیک ساعت	(۵۰-۴۸)
۲۱-	حضرت ابوبکر (رض)	ایکی درسلیک ساعت	(۵۳-۵۱)
۲۲-	مکتب یولی	بیر درسلیک ساعت	(۵۶-۵۴)
۲۳-	افغانستان (شعر)	ایکی درسلیک ساعت	(۵۸-۵۷)
۲۴-	چقیریق کارتلی	بیر درسلیک ساعت	(۶۰-۵۹)


۲۵-	سلام بېرىش.....	ايگى درسليک ساعت	(۶۲-۶۱)
۲۶-	بیرليک	ايگى درسليک ساعت	(۶۴-۶۳)
۲۷-	بهار بیرهمی.....	بیر درسليک ساعت	(۶۷-۶۵)
۲۸-	توغرليک	ايگى درسليک ساعت	(۷۰-۶۸)
۲۹-	بېشیک دن قېرگچه بېلیم اۋرگن ..	ايگى درسليک ساعت	(۷۳-۷۱)
۳۰-	میکروب	ايگى درسليک ساعت	(۷۶-۷۴)
۳۱-	یوویلیمه گن شفتالو.....	بیر درسليک ساعت	(۷۹-۷۷)
۳۲-	اوزوم	بیر درسليک ساعت	(۸۲-۸۰)
۳۳-	ايشچی عايله	ايگى درسليک ساعت	(۸۴-۸۳)
۳۴-	آق کفتر	ايگى درسليک ساعت	(۸۷-۸۵)
۳۵-	دهقان (شعر)	ايگى درسليک ساعت	(۸۹-۸۸)
۳۶-	کوز فصلی.....	بیر درسليک ساعت	(۹۲-۹۰)
۳۷-	طعام بېیش آدابى.....	ايگى درسليک ساعت	(۹۵-۹۳)
۳۸-	اچيغ لنيش ضررلری.....	ايگى درسليک ساعت	(۹۸-۹۶)
۳۹-	اۋغلاق	ايگى درسليک ساعت	(۱۰۱-۹۹)
۴۰-	عمارت.....	ايگى درسليک ساعت	(۱۰۴-۱۰۲)
۴۱-	سووسه گن (تشنه) کيشی.....	ايگى درسليک ساعت	(۱۰۸-۱۰۵)
۴۲-	اۋرمان فايده لری.....	ايگى درسليک ساعت	(۱۱۱-۱۰۹)
۴۳-	درک گپ لری ..	ايگى درسليک ساعت	(۱۱۴-۱۱۲)
۴۴-	درس اسباب لری	بیر درسليک ساعت	(۱۱۷-۱۱۵)
۴۵-	بۇرى بیلن ھۆکيز	بیر درسليک ساعت	(۱۲۰-۱۱۸)
۴۶-	آته لر سۇزى ..	ايگى درسليک ساعت	(۱۲۲-۱۲۱)
۴۷-	سۇزلىش آدابى	ايگى درسليک ساعت	(۱۲۴-۱۲۳)
۴۸-	کېکسه دهقان	ايگى درسليک ساعت	(۱۲۸-۱۲۵)
۴۹-	معارف ترانه سى	بیر درسليک ساعت	(۱۲۹)
۵۰-	لغت لر		(۱۳۷-۱۳۰)

بسم الله الرحمن الرحيم

بیرینچی درس

آماج (هدف): الله (جل جلاله) نینگ تانیش و اویره تگن نرسه لریگه قیزیقیب، اوندن یاردم ایستش.

- ۱- الله (جل جلاله) حقیده بیلگن لرینگیز نی سۆزلنگ.
- ۲- الله (جل جلاله) نینگ یره تگن نرسه لری نی بیلسنگیز اولر دن آت توتینگ.
- ۳- ایشلرنی یخشی بجریش اوچون کیم دن یاردم ایسته یسیز؟



الله (جل جلاله)

مېنینگ مهربان اللھیم، بیر ییل نی اۆتكزيب، ینه مکتبگه کېلیب من. برچه نعمت لرینگه شکر قیلهمن. آته، آنه و اؤقیتووچی لیریم گه هاریمسدن خدمت قیلیشیمگه یاردم بېر.

ای اولوغ الله (جل جلاله)! اورتاق لیریمگه مهربان بؤلیب، اولر نینگ محبت لرینی اونوتمس لیگیمگه توفیق بېر.

ای اللہ (جل جلالہ)! مہن بو ییل ہم بیرینچی درسیم نی سہینگ
آتینگ بیلن باشلہیمن؛ سہینگ یاردمینگ و اوز محنتیم بیلن بو ییل
نی ہم موفقیتلی توگہ تیشیم گہ امید قیلہمن۔

* * *

حرمتلی اوقیتووچی!

- ۱- متن نی اوقووچیلرگہ بیلدیریب، دعا قیلش اصولی وینگی سۆزلر معنا سی نی
توشونتیرینگ۔
- ۲- اوقووچیلرگہ ایکینچی صنف نی موفقیتلی توگہ تیب، اوچینچی صنفگہ
اوتگن لرینی مبارک باد دہب، اولرنی درسگہ قیزیقتیرینگ۔
- ۳- اوقووچیلردن دم آلیش کونلردہ نیمہ ایش قیلگن لرینی سورہنگ۔

عزیز اوقووچیلر!

- ۱- ہر بیر اوقووچی اؤزبک تیلی الفباسی نی تختہگہ یازسین۔
- ۲- قوییدہ گی سۆزدہک ینہ بیر نپچہ سۆز نی درس متنی دن تاپیب یازینگ:
مثال: رحملی = رحم + لی، سہندن = سہن + دن۔
- ۳- ہر بیر اوقووچی، اؤرنیدن توریب اللہ (جل جلالہ) دن اوز ایستک لرینی سورہ سین۔

سینش:

- ۱- اوقووچیلر متن نی اوقی آلہ دیلرمی؟

اوی تاپشیریغی:

اؤزبک تیلی الفباسی نی مشق خطی بیلن دفترلرینگیزگہ یازیب کہلینگ۔

ایکینچی درس

هدف: کلمہ طیبہ نی اوقیش، معنا سی نی بیلش، اونگہ اعتقادلی و علاقمند بولیش.

۱- کلمہ طیبہ نی اوقی آلہ سیزمی؟

۲- اللہ ﷻ بارہ سیدہ سوزلہی آلہ سیزمی؟

۳- حضرت محمد ﷺ بارہ سیدہ سوزلہی آلہ سیزمی؟



کلمہ طیبہ

لااله الا الله محمد رسول الله

معلم صاحب توره صنف گہ کبلیب، تخته گہ کلمہ طیبہ نی یازیب آیتدی:

بوگون سیزلرگہ کلمہ طیبہ بارہ سیدہ سوزلہ یمن. احمد، سپن اسلام

نینگ بپش بنا سینی آیت! احمد اؤرنیدن توریب آیتدی:

بیرینچی-کلمه طیبه، ایگینچی- نماز، اوچینچی- روزه، تورتینچی- ذکات، بېشینچی- حج.

بارک الله احمد! توغری ایتدینگ.

عزیز اوکووچیلر! کلمه طیبه، اسلام نینگ بېش بناسیدن بیرینچی سی دیر. کلمه طیبه نی تیل بیلن آیتیب، چین کؤنگولدن تصدیق لگن کیشی مسلمان دېب، آیتيله دی.

کلمه طیبه نینگ معنا سی قوییده گی دن عبارت:
(یوق هېچ معبود مگر الله ﷻ و محمد ﷺ اونینگ رسولی دیر).

حرمتلی اوقیتوچی!

- ۱- کلمه طیبه نی تخته گه یازیب، معنا سینی اوقووچیلرگه توشونتیرینگ.
- ۲- اسلام نینگ بېش بناسینی اوقووچیلرگه بیلدیریب، قیته اولردن سؤرهنگ.
- ۳- مؤمن نینگ معناسینی اوقووچیلر سویه سیگه یره شه توشونتیرینگ.

عزیز اوکووچیلر!

- ۱- اؤزبېک تیلی الفباسی نینگ نقطه لی حرفلرینی تخته گه یازینگ.
 - ۲- قوییده گی سؤزلر بیلن جمله توزینگ:
- کلمه، نماز، صنف، تخته، مسلمان.

سېنش:

- ۱- اوقووچیلر، کلمه طیبه نی آیته آله دیلرمی؟
- ۲- اوقووچیلر، اسلام نینگ بېش بنا سینی بیلیب دیلرمی؟

اوی تاپشیریغی:

اؤزبېک تیلی الفباسی نینگ نقطه لی و نقطه سیز حرفلرینی آیری-آیری دفترلرینگیزگه یازینگ.

اوچینچی درس

هدف: اؤقووچیلر حضرت محمد ﷺ نینگ باله‌لیکده قیلگن ایشلری حقیده معلومات تاپیب، حیات ده اوندن فایده لیش لری.

۱- حضرت محمد ﷺ کیم دیر؟ بیلسنگیز سؤزلب بهرینگ.

۲- حضرت محمد ﷺ نینگ باله‌لیکلریده قیلگن ایشلری حقیده بیرار نرسه نی بیلسنگیز آیتیب بهرینگ.

۳- حضرت محمد (ص) نینگ اولادلری حقیده بیلگن لرینگیز نی آیتینگ.

* * *

حضرت محمد ﷺ

پیغمبریمیز حضرت محمد ﷺ ییگیرمه بېش یاشلریده حضرت بی‌بی خدیجه بیلن اوپلنگن لر. حضرت پیغمبر ﷺ نینگ اوچ اوغیل و تورت قیزلری بولیب، اوغیل‌لری نینگ برچه سی کیچیک‌لیکده وفات قیلگن و قیز اولادلریدن بیر بی‌بی فاطمه ؑ حضرت علی ؑ بیلن اوپلنگن. بوگون اوکیشی نینگ اولادلریدن قالگن نسل نی سادات دپیدیلر. مسلمانلر حضرت محمد ﷺ خاندان‌لری و اوکیشی دن قالگن نسل‌لرگه کؤپ حرمت قیله‌دیلر.

حضرت محمد ﷺ کیچیک‌لیکدن رحلت قیلگن لرینگچه یخشی ایشلر نی بجرگنلر. باله‌لیک ده تۇغری‌لیک و صادق‌لیک‌لری اوچون امین لقبی نی آلگن ایدیلر. محمد ﷺ اوز تېنگ داش‌لریگه کؤپ مهربان و ایچ‌کؤیر ایدیلر، شونینگ اوچون، برچه اولوس او کیشی نی یوره‌ک دن یخشی

كۆريب، قىزىقىش بىلن سۆزلىگە قولاق سالر اېدىلر. محمد ﷺ شو يىخشى
اخلاق بىلن پىغمبرلىك وظيفه سىنى يىخشى صورتده بجرىب، كامىابلىك
بىلن جهان دن رحلت قىلدىلر.

حرمتلى اوقىتوچى!

- ۱- حضرت محمد ﷺ حقىده اوقوچىلر سويه سىگه يره شه سۆزلنگ.
- ۲- حضرت محمد ﷺ اخلاقلىرى، اينىقسه بالهلىك دورىده قىلگن ايشلىرى
حقىده، اوقوچىلر گه معلومات بېرىنگ.
- ۳- اوقوچىلر نى توغرىلىك، يىخشى اخلاق و امينلىك كه قىزىقتىرىنگ.

عزيز اوقوچىلر!

- ۱- درس متنى نى اوقىب، پىغمبر ﷺ نىنگ قىلگن ايشلىرى نى دفترلىنگىز گه
يادداشت قىلىنگ.
- ۲- توغرىلىك و امانتدارلىك حقىده ايگى سطرلىك بير متن يازىنگ.
- ۳- هر بير اوقوچى اوز اۆرنىدن تورىب، محمد ﷺ حقىده بىلگنلىرى نى
سۆزلىسىن.

سىنىش:

- ۱- درس متنى نى اوقىب، پىغمبر ﷺ نىنگ قىلگن ايشلىرى حقىده سۆزلەى
آله دىلرمى؟
- ۲- اوقوچىلر، توغرىلىك، امينلىك و يىخشى اخلاق حقىده قىسقه متن يازە
آله دىلرمى؟

اوى تاپشرىغى:

هر بير اوقوچى درس متنى دن بير مطلب نى تىلب، ايگى سطرلىك بير متن يازسىن.

تۆرتینچی درس

هدف: آنه تیل نینگ اهمیتی نی بیلش و اونگه قیزیقش.

۱- سیز نینگ آنه تیل نینگ نیمه دیر؟

۲- اولکه میزده گی تیل لردن بیرنچی ته سی نینگ آتینی آیه آله سیز می؟

۳- اوزبک تیلی نینگ الفباسینی کیم یازده آله دی؟



آنه تیل

ایگی چومچوق هوا ده بیر - بیرین توشونه دی
ایکاوای چوق - چوق لشیب بیر یاغاچ گه قونه دی

* * *

ایگی بلیق دریا ده بیرگه لشیب سوزه دی
اوز تیلیده سوز لشیب بیردملیک نی توزه دی

* * *

ايگى كىيك اورمان ده بيرگه يشب، يوره دى
بىر تىل بىلن گپىرىب قوناق حيات سوره دى

* * *

چومچوق، بلىق، كىيك نىنگ اوزىگه خاص تىلى بار
برچه سىنىنگ اوز اېركى اوز خىلى، منزلى بار

* * *

بىز اوزېك باله لر نىنگ اوز آنه تىلىمىز بار
بو تىل، اوزېك تىلى دىر اونگه قىلىنگ افتخار

* * *

بابامىز "نوايى" دن قالگن آلتىن اؤگىت بار
"تىل گه بولسه اختيار اېل گه بولر اعتبار"

* * *

بىز هم اوز تىلىمىز گه اختيارلى بولەيلىك
اوز آنه يورتىمىز ده اعتبارلى بولەيلىك

* * *

دكتور شفيقه يارقين

حرمتلى اوقيتووجى!

- ۱- شعرىنىڭ معنا سىنى اوقوچىلرگه بىلدىرىنگ.
- ۲- اميرعلىشېر نوايى، بارەسىدە قىسقه معلومات بېرىنگ.
- ۳- اوقوچىلرنى يىغىب، آنە تىل شعرىنى اوقىتتىرىنگ.

عزیز اۋقووچیلر!

۱- درس متنیدهگی ینگى سۆزلرنى دفترلرینگىزگه يازینگ.

۲- قويیدهگی سۆزلر بیلن گپ توزینگ:

بویوک، آنه تیل، کوچ، میراث

۳- شونگه اۋخشهگن بیرار شعرنى بیلسنگیز، اۋرنینگىزدن توریب، اۋقیب

بهرینگ.

سینش:

۱- اۋقووچیلر، آنه تیل نینگ اهمیتی نى بیلیب دیلرمى؟

۲- اۋقووچیلر، امیرعلیشهر نوایی و اونینگ اۋگیتی بارهسیده معلومات تاپیب دیلرمى؟

اوى تاپشیریغى:

هر بیر اۋقووچی، آنه تیل شعریدن بیر نهچه بیت نى يادلب، کتابچهلریگه يازیب كېلسین.

بېشینچی درس

هدف: بهار باره سیده معلومات تاپیش و اوندن فایده لښ.

- ۱- بهار فصلیده قیسی کؤکتلر (سبزیجات) بازارده تاپیله دی؟
- ۲- بهار فصلیده قیّیب کبله دیگن قوشلر نینگ نېچه خیلی نی آت توتینگ.
- ۳- بهار فصلیده نیمه ایشلر قیله سیز؟



بهار

کېلدى بهار گل بهار	اېرىب بىتدى آپاق قار
اوچىب كېلدى قوشلر جان	درختلر تاقدى مرجان
سوولر آقر شىلدیره ب	يولدوز باقر مىلدیره ب
چومالى لر يیره شر	شوڭ بلبل لر سیره شر
قوياش نورلرین ساچدى	عطر گل غنچه آچدى
باغده قىزىل لاله لر	تېرىب آلینگ باله لر

شکور سعدالله

حرمتلى اوقيتووچى!

- ۱- بهار باره سیده اوقووچیلرگه معلومات بېرىنگ.
- ۲- بهار فصلیده اېکین چیلیک و فایده لى ایشلر نى قیلیشگه اوقووچیلر نى قیزیقتیرینگ.

عزيز اوقووچیلر!

- ۱- اوزېك تېلى الفباسیدن "اونداش" حرفلرنى تخته گه یازینگ.
- ۲- قوییده گى سۆزلر دن گپ توزینگ:
- باله ، لاله ، ناله ، گل ، اوروغ ، قوش.
- ۳- قوییده گى سؤراق لرگه جواب بېرىنگ:
- باله لر مکتبده نیمه ایشلر قیله دیلر؟
- دشتلرده قیسی حیوانلر اوتله یدی؟
- دریالرده نیمه لر تاپیله دی؟

سینش:

- ۱- اوقووچیلر، بهار فصلی باره سیده معلومات بېره آله دیلرمی؟
- ۲- اوقووچیلر، نهال اېکیش فایده لری باره سیده معلومات بېره آله دیلرمی؟

اوی تاپشیریغی:

قوییده گى مصرع لرنى کتابچه لرینگیزگه یازینگ:

عطر گل غنچه آچدی	قویاش نورلرین ساچدی
تېریب آلینگ باله لر	باغده قیزیل لاله لر

آلتینچی درس

هدف: یشش جایلر نی پاکیزه و کۆرکم اسرهب، اوندن فایده لیش.

- ۱- اوی ده باغچه نگیز بارمی؟ باغچه نگیزده قیسی درختلر بار؟
- ۲- بهار فصلیده باغچه نگیزده قیسی نهال لرنی اېکه سیز؟
- ۳- مېوه لر آره سیده قیسی مېوه نی کؤپ راق یاقتیره سیز؟



اوی باغچه سی

بابام نینگ بیرگۆزهل باغچه سی بار. باغچه ده: آلمه، انار، شفتالو، بهی، قیزیلچه (آلوالو)، ناشپوتی، جیگده، کؤک سلطان، انجیر، قره آلو، سریغ-آلو، اوریك (زرد آلو)، یانغاق درختلری و یوزدن کؤپ راق اوزوم تاکی بار. بابام نینگ باغچه سی بهار فصلیده کؤپ چیرایلی بۆله دی. هرتاماندن فارهم هوا اېسه دی. درختلر برگ قیلیب، گل کیدی. تورلی گلر و میسه لر، اریقلر یاقه سیده و پلرده آچیلیب، یخشی هید تره ته دی. چومچوقلر،

موسیچەلر، بلبلر و باشقە چیرایی قوشلر بیر درختدن باشقە درختگە اوچیب، قۇنیب سیرهیدی.

بابام باغچە سىنینگ اورتەسیدە بیر صفە بار. صفەنینگ تېگرەگیدە تورلی مرسلر و باشقە گلر اېکیلگن دیر. بابام، دايم باغچەسیدە ایشلەیدی و مېن هم بۇش وقتلریم دە بابامگە یاردم بېرەمن.

حرمتلی اۇقتووچی!

- ۱- ییشش جایلرنینگ کۆرکم لشتیریش فایده سینی اۇقووچیلرگە بیلدیرینگ.
- ۲- نهال اېکیش، درختلرنینگ توبینی بۇشەتیش و سوغاریش یۇلرینی اۇقووچیلرگە توشونتیرینگ.
- ۳- بهار فصلیدن فایدهلنیش یۇلرینی اۇقووچیلرگە اۆرگتینگ.

عزیز اۇقووچیلر!

- ۱- سۆز نیمەلردن و گپ نیمەلردن توزیلەدی؟
 - ۲- نېچە گپ قۇشیلە، نیمە دېیلەدی؟
 - ۳- قوییدەگی بۇش جایلرینی تۇلدیرینگ:
- بابامنینگ باغچە سى کۆپ چیرایی بۇلەدی. بابامباغچە سى بار.

سینش:

- ۱- اۇقووچیلر، باغچە و بهار فایدهلری نی بیلیب دیلر می؟
- ۲- اۇقووچیلر، نهال اېکیش و درختلردن حاصل آلیش یۇلرینی بیلیب دیلر می؟


اوی تاپشیریغی:

- قوییدەگی گپ نی دفترلرینگیزگە یازینگ:
- بابامنینگ باغچە سى بهار فصلیدە کۆپ گۆزەل بۇلەدی.

پېټنچى درس

هدف: شهر و یشش جایلرنی تازه اسرهش و شهرلر نی یم-یشیل قیلیشگه قیزیقیش.

- ۱- شهر و قیشلاق نینگ بیر- بیریدن نیمه فرقی بار؟
- ۲- شهر و قیشلاق لریمیزنی قنده ی اسره یلیک؟
- ۳- کوچه، سرک و یوللرگه کثافت لرنی تشلش ضررلری باره سیده سؤزلنگ.



شهریمیز، اوییمیز دیر

معلم صاحب اپرگش، صنفگه کیرگندن سؤنگ، اوقو وچیلرگه ایتدی:
مېن بوگون مکتبگه کپله یاتگنیمده بیر عجیب واقعه نی کؤردیم. بیر هیداوچی،
مؤترینی تېز هیدهب کپلر اېدی. او، مؤتری نینگ شیشه سینی توشیریب، یېگن
مېوه سی نینگ پؤستینی یولگه تشله دی. سیزلر ایتینگلر، هیداوچی یخشی ایش
قیلیب دیمی یا یامان؟

اولوغ بېگ اجازە آلیب آیتدی: مېنینگ اۋیله شیمچه، هیداوچی یامان ایش قیلیبدی. معلم صاحب اپرگش آیتدی: سۆزینگ تۋغری؛ لېکن نیمه اوچون بو ایش یامان دیر؟

آی بېگ اجازە آلیب آیتدی: بو اوچون یامان دیرکه یول و شهرلر تۋزیب، افلاس لندهدی.

احمد اجازە آلیب آیتدی: هر بیر هیداوچی بیر هاوچ کثافت نی یوللر اوستیگه شوندهی تشلهی بېرسه، یوللر کثافت دن تولهدی.

باتیر اویلب، اۋریدن توریب آیتدی: مېنینگ یوره گیم یوللرنی سوپوره دیگن لر گه کۋیه دی، بونچه کوپ کثافت نی یوللر دن قندهی ییغه دیلر؟

شاهرخ آیتدی: مېولر پۋستی یوللرگه تشلنسه، مردم نینگ تیریلیب ییقیلیش لری هم ممکن دیر.

محمد مراد اجازە آلیب آیتدی: اۋز اوی نینگ چیقیندی لر و کثافت لرنی یول لر گه تشله گن کیشی، ساغلیک و پاکیزه لیک معنا سی و اهمیتی نی توشونمه گن لیگی نی بیلدیره دی. کثافت لر، یشش جایلرگه تشلنسه، میکرو ب لر تاپیلیشی گه سبب بۋلیب، ساغلیققه ضرر یېتکیزه دی.

آخر چاغده، معلم صاحب اپرگش کوپ قووانیب آیتدی:

آفرین سیزلرگه! مېن، سیزلردن کوپ خوش بۋلدیم. یخشی سۋزله دینگیزلر، لېکن بونی بیلش کېرک که یلغوز شهریمیز، اوییمیز اېمس، بلکه اولکه میزنینگ برچه یپرلری اوییمیز دیر. بو چیرایلی اوییمیز نی پاکیزه و تازه اسره ب، یم- یشیل بۋلیشی گه کۋشش قیله یلیک.

حرمتلى اوقىتوۋچى!

- ۱- اوقوۋچىلرگە اوى دن چىققن چىقىندى لر و كثافت لر نى يولگە تشلەمس-
لىكلر نى بىلدىرىنگ.
- ۲- اوقوۋچىلرگە شەرلر نى پاك اسرەش يوللر نى بىلدىرىنگ.
- ۳- نظافت بارەسىدە اوقوۋچىلرگە معلومات بېرىنگ.

عزيز اوقوۋچىلر!

- ۱- نېچە اوقوۋچى تورىب درس نتيجه سى نى آيتسين.
 - ۲- قويىدەگى سۆزلر بىلن جملەلر توزىنگ:
 - سرک، تشلە دى، يامان، يىخشى، چىقىندى.
 - ۳- قويىدەگى گپ نىنگ سۆزلر نى ايرى-ايرى يازىنگ:
- مېۋەلر پۇستى يوللرگە تشلەنسە، مردم لر نىنگ تىرىلىپ يىقىلىش و يرهلنىش لرى هم
ممکن دىر.

سىنىش:

- ۱- اوقوۋچىلر، شەر و یشش جايلر نى پاكىزە اسرەش نى بىلىپ دىلرمى؟
- ۲- اوقوۋچىلر، نظافتگە علاقه تاپىپ دىلرمى؟

اوى تاپشیریغى:

- قويىدەگى جملە نى کتابچەلر نىگىزگە يازىنگ:
- اۋز اوى نىنگ چىقىندىلر نى يوللرگە تشلەگن كىشى، ساغلىك و پاكىزەلىك معناسى
و اهمىتى نى توشونمەگن ليگىنى بىلدىرەدى.

سگیزینچی درس

هدف: یاغمیرنی تانیب، اونینگ فایده سینی بیلش.

۱- یاغمیر بیلن قارنینگ فرقینی آیته آله سیزمی؟

۲- یاغمیر قیسی فصل لرده کؤپراق یاغه دی؟

۳- یاغمیرنینگ فایده لرینی آیته آله سیزمی؟

* * *



یاغمیر

دشت و دله لر، باغ و چمن لر، ادير و
سای لر یم-یشیل بؤلگن ابدی. قوی-
قوزی لر، اېچکی-اوغلاق لر اؤتلب،
تؤییب، هر قیسی سی هر یپرده یاتگن
ابدی. بیر دنیگه آسمان ده بولوت لر
کؤپه ییب، یاغمیر تامچی-تامچی یاغه
باشله دی.

تورسون، آتہ سیگه قره ب، قیچقیردی:

آتہ جان، آتہ جان! کپلینگ، مال لریمیزنی هیده ب، اوییمیزگه تېزراق
باره یلیک، یاغمیر یاغه یاتیبدی.

آتہ سی جواب بپردی:

جان باله م، شاشمه! یاغمیر، خدانینگ نعمتی و مرحمتی دیر. یاغمیر
یاغسه، باغلر و درخت لر یم-یشیل بؤلهدی. ارپه-بوغدا ی لر و باشقه

اۋسىملىكلر اۋسەدى. مىسەلر و گلر ىشنەيدى و وطنىمىزدە سوو كۋپەيىب، ارزانچىلىك بۆلەدى.

حرمتلى اۋقیتوۋچى!

- ۱- اۋقوۋچىلر سۈيەسىگە ىرەشە، بولوتلر بارەسىدە معلومات بېرىنگ.
- ۲- ياغمىرنىنگ فايده سىنى اۋقوۋچىلرگە توشونتىرىنگ.
- ۳- دريا و اريقلر سوو نىمەدن تاپىلىشى نى اۋقوۋچىلرگە بىلدىرىنگ.

عزيز اۋقوۋچىلر!

- ۱- حرف، سۆز و گپ تۇغرىسىدە معلومات بېرىنگ.
- ۲- قويىدەگى گپنىنگ كلمەلىرىنى ايرى-ايرى يازىنگ:
- جان بالەم، شاشمە. ياغمىر، خدانىنگ نعمتى و مرحمتى دىر.
- ۳- قويىدەگى سۆزلر بىلن گپ توزىنگ:
- قۇي، ياغمىر، آسمان، بولوت، مىسە.

سىنىش:

- ۱- اۋقوۋچىلر، ياغمىر فايدهلىرىنى بىلىپ دىلرمى؟
- ۲- اۋقوۋچىلر، بولوت بارەسىدە قىسقه معلومات بېرە آلەدىلرمى؟

اوى تاپشىرىغى:

قويىدەگى سۆزلرنى دىفترلىرىنگىزگە يازىنگ:

ياغمىر ياغسە، باغلر و درختلر ىم-يشىل بۆلەدى. ارپە-بوغداى و باشقه اۋسىملىكلر اۋسەدى. مىسەلر و گلر ىشنەيدى و وطنىمىزدە سوو كۋپەيىب، ارزانچىلىك بۆلەدى.

توقیزینچی درس

هدف: حیوانلر باغی بیلن تانیشیش و او یپرده سقلنه دیگن حیوانلرنینگ آتینی بیلش.

- ۱- حیوانلر باغینی کؤریب سیزلرمی؟
- ۲- یاوایی حیوانلرنینگ آتینی آیته آله سیزمی؟
- ۳- اهل بؤلگن حیوانلرنینگ آتینی آیتینگ.



حیوانلر باغی (باغ وحش)

رخصت کونی اهدی. آلتین و عالمگیر نینگ آته سی برلاس خان،
باله لریگه قره ب آیتدی:

باله لریم، مهن سیزلرنی حیوانلر باغی گه آلیب بارماقچی من. آنه
لرینگیزگه آیتینگ، یوز- قؤل لرینگیزنی یوویب، پاکیزه کییم کییدیر سین.

آلتین و عالمگیر، آنه‌لری آلدیگه باریب، آته‌لری‌نینگ گپی نی
آیتدی‌لر. آنه‌لری، آلتین و عالمگیر‌نینگ یوز- قۇل‌لرینی یوویب، تازه
کیملرینی کییدیریپ، آته‌لرینی آلدیگه آلیب کھلیب آیتدی:

مېن هم سیزلر بیلن حیوانلر باغی‌گه باریشینی ایسته‌یمن. برلاس خان،
خاتین-باله‌لرینی آلیب، حیوانلر باغی‌گه جۇنه‌دی. یریم ساعت‌دن سۇنگ
حیوانلر باغی‌گه یېتدی‌لر. حیوانلر باغی‌ده ارسلان، قاپلان، تولکی،
شغال، کییک، فیل، بۇری، آییق (خرس)، تاووشقان و شولرگه اۇخشه‌گن
یاوایی حیوانلر، تېوه، هۇکیز، اېنک، قۇی، اېچکی، اېشک، قۇچقار،
قۇزی و شولرگه اۇخشش اېل بۇلگن باشقه حیوانلر بار اېکن.

شونینگ‌دېک، حیوانلر باغی‌ده طۇطی، طاووس، بلبل، قمری، کفتر و
باشقه قوشلر سقله‌نر اېکن.

برلاس خان، حیوانلر باغیده‌گی حیوانلر و قوشلر باره‌سیده بیلگنیچه
باله‌لریگه معلومات بېردی. آخر چاغده آلتین و عالمگیر، آته‌لریدن کۇپ
خوش بۇلیب، آته و آنه‌لری بیلن اۇز اوی لریگه قیتدی‌لر.

* * *

حرمتلی اۇقیتوویچی!

۱- حیوانلر باغی باره‌سیده اۇقوویچیلرگه قیسقه معلومات بېرینگ.

۲- یاوایی حیوانلر بیلن اېل بۇلگن حیوانلر فرقینی آیتینگ.

۳- قوشلر باره‌سیده اۇقوویچیلرگه معلومات بېرینگ.

عزیزاۋقوۋچىلار!

- ۱- اوچ گروپگە بۆلىنىپ، بىرىنچى گروپ ياۋايى حيوانلار، ئىككىنچى گروپ ئېل بۆلگن حيوانلار ۋە ئۈچىنچى گروپ قوشلار ئاتىنى بىر كاغىزگە يازىپ، سۆنگ ھەر گروپدىن بىر ئوقۇغۇچى ئورنىدىن تۈرىپ، كاغىزگە يازىلغان ئاتلارنى ئوقۇسىن.
- ۲- قۇيىدە، حيوانلارنىڭ ئاتى يازىلغان. بولدىن ياۋايى حيوانلار ۋە ئېل بۆلگن حيوانلار ئاتىنى ئېيتىڭ:

- قاپلان، ئېچكى، تۈلكى، پىشك، فېل، ئېشك، ارسلان، تېۋە، بۆرى، ھۆكىز.
- ۳- قۇيىدەكى سۆزلەرنىڭ ھەرلىرىنى ئايرى- ئايرى يازىڭ:
- بىر كۈن، حيوانلار باغى، قۇل، يۈز، پاكىزە كىيىم، ئايب كېلدى.

سېنىڭ:

- ۱- ئوقۇغۇچىلار، حيوانلار باغىنى تانېپ دىلرەمى؟
- ۲- ئوقۇغۇچىلار، ياۋايى حيوانلار، ئېل بۆلگن حيوانلار ۋە قوشلارنى تانېپ دىلرەمى؟

اۋى تاپشۇرۇقى:

ياۋايى حيوانلار، ئېل بۆلگن حيوانلار ۋە قوشلارنىڭ ئاتلىرىنى دېتەرلەنگىزگە يازىپ كېلىڭ.

اۋىنىچى درس

ھەدەف: "كىم" ۋە "نېمە" سۆزىنى بىلىش ۋە اىشلەتەش.

- ۱- "كىم" سۆزى بىلەن نېچە گەپ تۈزىنگ.
- ۲- "نېمە" سۆزى بىلەن نېچە گەپ تۈزىنگ.
- ۳- سۆزى گەپنىڭ آخىرىدە قانداق بېلگى قويىلەدى؟



"كىم؟" ۋە "نېمە؟" سۆزىنى تۈزۈش

ھەر تىلدە سۆزى گەپلەر ئۈچۈن خاس سۆزلەر اىشلەتەلەيدۇ. ئۆزبېك تىلىدە ھەم سۆزى گەپلەر ئۈچۈن خاس سۆزلەر بار. شۇ جەملەدەن "كىم؟" ۋە "نېمە؟" كىشىلەر ۋە نەرسەلەر ئۈچۈن اىشلەتەلەيدۇ؛ مەثال سۈرئەتدە:

- قۇيۇلارنى دۈشەن كىم باقەيدۇ؟

- طياره نى كيم اوچيرهدى؟
 - بازار دن نيمه آليب كېلدىنكىز؟
 - قۇلىنكىز دهكى نرسه نيمهدير؟
 - بازارلر ده نيمه لىر ساتىلەدى؟
- * * *

حرمتلى اوقىتوۋچى!

- ۱- اوقوۋچىلرگه "كىم" و "نيمه" سۆزلىرى ايشلەتيلگن سؤراق گپلرنى توشونتيرىنگ.
- ۲- هر بير اوقوۋچىگه "كىم" و "نيمه" بىلن يىسلگن سؤراق گپ نى ايتىب بېرىنگ.

عزيز اوقوۋچىلر!

- ۱- قويدەگى سؤراق گپلردە "كىم؟" و "نيمه؟" سۆزلىرى ايشلەتيلگن دىر.
- سىز، اولرگه تۇغرى جواب بېرىنگ:
- كيم سىزلرگه بوت تىكەدى؟
 - مېز و چوكى لرىنكىز نى كيم يىسەگن؟
 - قۇىلرنى كيم باقەدى؟
 - نانوا نيمه پيشيرهدى؟
 - تېمىرچى نيمه يىسەدى؟
 - نجار نيمه يىسەدى؟
 - تىكوۋچى نيمه تىكەدى؟

- ۲- قويىدەگى گپلارنىڭ بوش جايلىرىنى، بېرىلگن سۆزلەر بىلەن تۈلدۈرۈش:
- كىتاب، قۇيۇلار، ايشچىلار، اۋقۇچى، چۈمچۈك، اۋراق، پىچاق.
 - يۇلدۇز..... نى يىخىش اۋقىيىدى.
 - چۈپان..... نى دشت دە اۋتلەتەدى.
 - اۋلكە نى.....آباد قىلەدىلەر.
 - نوايى لىسەسىدە بېش يۈز..... درس اۋقىيىدى.
 - توت درخت نىڭ اوستىگە اۋن ايكى تە..... قۇندى.
 - دھقان بوغداى نى بىلەن اۋردى.
 - او، بىلەن پياز تۇغرىدى.

سېنىش:

- ۱- اۋقۇچىلەر، "كىم" و "نېمە" سۆزلىرى بارەسىدە معلومات تاپىبدىلرمى؟
- ۲- اۋقۇچىلەر، "كىم" و "نېمە" سۆزلىرى بىلەن سۇراق گپ تۈزەآلەدىلرمى؟

اۋى تا پشیریغى:

"كىم" و "نېمە" بىلەن نېچە سۇراق گپ تۈزىپ، دفتلرلىنگىزگە يازىپ كېلىڭ.

اۋن بیرینچی درس

هدف: ایچیم لیک سوودن فایده لیش و میکروب حقیده قیسقه معلومات تاپیش.

- ۱- اریق سووی یخشی می یا بولاق سووی؟
- ۲- شهر و قیشلاق لرینگیزده قودوق بارمی؟ قودوق سووی قنده ی دیر؟
- ۳- سونینگ نیمه فایده سی بار؟



ایچیم لیک سوو

احمد بیلن توران، دشتده اۋینر ابدی لر. اۋیین چاغیده سووسه دیلر. اۋشه
یپرینگ یقین لریده بیر اریق سوو آقیب تورر ابدی. چاپیب باریب، اریق
سووی دن ایچماقچی بۋلدیلر.

معلم صاحب تهمورخان، اولرنی کۋریب آیتدی:

- اریق سووی نی ایچمگ، کسل بۋله سیز.

هولکر، اوشه یېرده تورگن اېدی. حیران بژلیب، استاد تېمورخان دن سؤره دی:

- حرمتلی معلم صاحب! اریق سووی تازه و تینیق دیر. بولر قندهی کسل بژله آله دیلر؟

معلم صاحب تېمورخان آیتدی: شو اریق قیشلاق ایچیدن آقیب کېله دی. مردم کییم لرینی شو اریقده یووه دیلر و تورلی چیقیندی لر و کثافت لری نینگ قالدیق لری نی هم سووگه تشله یدیلر. شونینگ اوچون، بو اریق نینگ سووی میکروب لی دیر. بو سوو نی ایچگن کیشی کسل بژله دی.

هولکر آیتدی: معلم صاحب، میکروب نیمه دیر؟

معلم تېمورخان آیتدی: میکروب، کژز گه کژرینمه یدیگن کیچکینه موجود دیر. میکروب اېت و پؤستیمیزگه جایلشسه، کسل بژله میز.

هولکر، معلم صاحب تېمورخان دن سؤره دی: شوندهی بژلسه، بیز قنده- ی سوو نی ایچیشیمیز کېره ک؟

معلم صاحب تېمورخان آیتدی: سیزلر تینیق و پاکیزه سوونی ایچیشینگیز کېره ک. چوقور قودوق لر و بولاق لر سووی اېنگ یخشی ایچیملیک سوو حسابلننه دی. چوقور قودوق و بولاق بژلمسه، سوونی قینه تیب، ایچیشینگیز کېره ک. حوض و قودوقه کلورین تشلنسه، میکروب لری اژلیب، ایچیشگه یررلی بژله دی. قودوق لر و حوض لر یاووغیده هېچ قندهی مکان و حمام نینگ بژلمس لیگی کېره ک. قودوق و بولاق سووینی ایچیش، بیز نی میکروب لردن تاپیله دیگن کسل لیک لردن اسره یدی.

حرمتلى اوقيتوچى!

- ۱- اوقوچىلرگە تورلى سولر بارەسىدە معلومات بېرىنگ.
- ۲- اوقوچىلرگە مىكروپ بارەسىدە قىسقىچە معلومات بېرىنگ.
- ۳- اوقوچىلرگە "سا غلام عقل، ساغ بدن دە" دېگن ضرب المثل بارەسىدە گېلىرىنگ.

عزيز اوقوچىلر!

- ۱- قويىدەگى ايگى قطار سۆزلردن هر بير آتنى، تېگىشلى ايشلىرىگە باغلانگ:
 - نجار قۇي باقىدى.
 - اوقوچى سوت بېرىدى.
 - تىكوچى دشتلردە اوتلىيدى.
 - سىگىر درس اوقىيدى.
 - قۇيلىر كىيىم تىكەيدى.
 - چۆپان قۇيلىرىنى يېيدى.
 - بۆرى چوكى يىسەيدى.
- ۲- قويىدەگى سوراقلرگە جواب بېرىنگ:
 - داكتىر نىمە قىلەيدى؟
 - اوقوچى نىمە قىلەيدى؟
 - تىكوچى نىمە قىلەيدى؟
 - ايشچى نىمە قىلەيدى؟
 - سىز نىمە قىلەيسىز؟

سېنىش:

- ۱- اوقوچىلر، ايچىملىك سولر بارەسىدە قىسقىچە معلومات بېرى آلەدىلرمى؟
- ۲- اوقوچىلر، مىكروپ بارەسىدە معلومات بېرى آلەدىلرمى؟

اوى تاپشيريغى:

كتابچەلرينگىزگە "كىم" و "نىمە" بىلن توزىلگن آلتى تە سوراق گېنى يازىب كېلىنگ.

اۋن ايگىنچى درس

هدف: قوش بالەلرى نىنگ قندەى اولغەيىشى بارەسىدە معلومات تاپىش.

- ۱- موسىچە نى كۆرىپ سىزمى؟ نىمەگە اۋخشىدى؟
- ۲- تاووغىنگىز بارمى؟ كونىدە نېچە يومورتقە توغىپ بېرەدى؟
- ۳- پلغەدە بۆلگن يومورتقە نىنگ ايسى قندەى بۆلەدى؟



قوشلر

قوشلر، يومورتقە بېروچى حيوانلر جملەسىدن دىر. قوشلر نىنگ يومورتقەلرى كۆتە- كىچىكلىكى، آغىرلىكى و رنگى يوزىدن بىلىنەدى. قوشلر، معین چاغده كورك بۆلەدىلر، اېركك و اورغاچى قوش نوبت بىلن يومورتقە اوستىگە اۆلتىرەدىلر. يومورتقەلر قوشلر كۆكسى نىنگ ايسىقلىگىده، معین وقتده بالەگە اۆزگرەدى.

مثال صورتده: تاووق يومورتقە سى يىگىرمە بىر كونده، چومچوق

یومورتقه سی ییگیرمه سگیز کونده، جۆجه گه ایلکده دی. کپین جۆجه،
 یومورتقه قابوغینی یاریب، تشقیری گه چیقهدی. شونده، آنه قوش اؤز
 جۆجه لریگه دان کپلتیره باشلهدی. جۆجه لر، آنه لری نینگ سېسی نی
 اېشیتگچ، آغیزلرینی آچه دیلر. آنه قوش، دان نی جۆجه لری نینگ آغزیکه
 بېره دی. جۆجه لر استه-سېکین اولغهییب، تېمیرقنات بۆله دیلر. سۆنگ،
 پت چیقریب، قنات لری کوچگه تۆلیب، اوچر قوشگه ایلنهدیلر. اولرگه
 اوچیش نی آته-آنه لری اورگته دیلر. قوش باله سی، اوچیش نی اورگنگن دن
 سۆنگ، قنات قاقیب اوچه دی و درخت لرنینگ یاله لریگه قۇنه دی.

حرمتلی اوقیتووچی!

- ۱- قوشلر باره سیده معلومات بېرینگ.
- ۲- تورلی قوشلر آتینی اوقو وچیلردن سؤره نگ.
- ۳- قوشلر نینگ فایده لرینی اوقو وچیلرگه بیلدیرینگ.

عزیز اوقو وچیلر!

- ۱- بېشته یاوایی و تۆرت ته اېل بۆلگن قوشلر آتینی تخته گه یازینگ.
- ۲- تاووق یومورتقه سیدن قیسی یېمکلر پیشیریلهدی؟ آت لرینی تخته گه یازینگ.

سینش:

- ۱- اوقو وچیلر، قوشلر تۇغری سیده معلومات بېره آلهدیلرمی؟
- ۲- اوقو وچیلر، یومورتقه دن چیققن کیچکینه جۆجه لر نینگ یېمگی و اوچیشی
 باره سیده معلومات تاپیب دیلرمی؟
- اوی تاپشیریغی:
- اؤنه قوش نینگ آتینی دفترلرینگیزگه یازیب کپلینگ.

اۋن اوچىنچى درس

ھدف: پىلە قورتىنى تانىپ، اوندن فايدهلىنىش.

- ۱- پىلە قورتىنى كۆرىب سىزمى؟ او، قندهى بىر قورت دىر؟
- ۲- اىپك دن قندهى فايدهلىنيلهدى؟
- ۳- اىپك پۆپىلگى نىنگ باشقه پۆپىلكلردن نىمه فرقى بار؟



پىلە قورتى

اىنجو، آنە سىدن سۆرەدى: آنە جان، اىپك متاع سى قندهى اىپدن
تۆقىلگن و نىمه اوچون قىمت دىر؟
اىنجو نىنگ آنە سى جواب بېردى: اىپك نى قۇلگە كېلتىرىش اوچون
كۆپ محنت قىلىنەدى. شونىنگ اوچون، بهاسى يوقارى دىر. اىنجو
نىنگ آتە سى اېركىن اكە صحبت نى دوام اېتتىرىپ ايتدى:

قولاق سالینگ، مېن ايپک متاعلر، باره سیده کؤپراق معلومات بېره-
 من. ايپک تکهلر، ايپک نینگ اينگيچکه تاله لری دن توقيلگن دیر. بو
 تاله لر، پيله قورتی دن و پيله قورتی، بير تورلی پؤپلک نینگ اوروغیدن
 قؤلگه کېله دی. پيله قورتی نینگ تخمی نی بير لته گه اؤره ب، ايسیقراق
 جایگه قؤیه دیلر. سؤنگ، بير معین وقتده، پيله اوروغی کيچیک قورت-
 لرگه ایلنه دی. بو پيله قورتلر نینگ يېمگی توت درختی نینگ يېراغی
 دیر. پيله قورتی کتّه بؤلگندن سؤنگ، آغزیدن ايپ چيقریب، تېگره گی
 گه اؤره ب غؤزه تشکیل قیلیب، اؤزینی غؤزه ايچيگه ياشيره دی.

ايریم جایلرده شو غؤزه نی قزان نینگ قیناق سوويگه تشله يديلر. نېچه
 وقتدن سؤنگ، غؤزه نینگ ايپلری آچيله دی. اونى ایلگيچ گه اؤره ب،
 ایلنتيره ديلىر و چرخگه اؤره ب، قورিতে ديلىر. کېين اونى ايگيريى، بؤيه يديلىر
 و تورلى متاعلر توقيب، کييملر تیکه ديلىر. بعضى جایلرده غؤزه لرنى
 قیناق سوودن چيقریب، کول و يا قۇمگه کؤمه ديلىر. بير مدتدن سؤنگ،
 اونى چيقریب، ايسیق راق سووگه يووهدیلىر و ايپگه آسيب، قورিতে ديلىر.
 سؤنگره، چيلیکلرگه اېگيريى، ايپک ايپى دن تورلى متاعلرنى
 توقييديلىر.

ايپک متاعلر کؤپ يوپقه، يومشاق و چيرايلى بؤله دی. شونینگ
 اوچون قيمت بها دیر.

حرمتلى اوقيتوچى!

- ۱- ايپك متاع باره سیده معلومات بېرىنگ.
- ۲- پیلە قورتى و اوندىن فايده لنىش باره سیده اوقوچيلرنى توشونتيرىنگ.
- ۳- پیلە قورتى نى اوستيريش و اونىنگ كۆپه يتيريشى گه اوقوچيلرنى تشويق قىلىنگ.

عزيزاوقوچيلر!

- ۱- قويده گى گپلرنى "كىم" و "نيمه" سۆزى بيلن سؤراق گپ گه ايلنتيرىنگ:
- ايپك متاع پیلە قورتى دن قۇلگه كېله دى.
- اينجو، پیلە توتيب دير.
- پیلە قورتى نىنگ اوروغى پۇپلك دن حاصل بۇله دى.
- ابركىن، اينجوگه پیلە قورتى باره سیده معلومات بېردى.

سېنىش:

- ۱- اوقوچيلر، پیلە قورتى باره سیده معلومات بېره آلە ديلرمى؟
- ۲- اوقوچيلر، ايپك متاع لر حقيده معلومات تاپيب ديلرمى؟

اوى تاپشيريغى:

متن دن، "كىم" و "نيمه" سۆزلىرى بيلن سؤراق گپ توزيله ديگن نېچه گپ نى دفترلرينگيزگه يازيب كېلىنگ.

اۋن تۋرتىنچى درس

هدف: صلح و تىنچلىك قىلغۇچى بىلىپ، اۋنى اسرەش و اوروش ضررلىرىنى توشۇنىپ، اۋنگە قرشى تورىش.

- ۱- اوروش بىلەن تىنچلىك نىڭ فرقلىرىنى آيتىش.
- ۲- اوروش و تارتىشۇو ضررلىرى تۋغرى سىيىدە سۆزلەش.



تىنچلىك

اوروش يمان دىر يمان	ضررلى دىر هر زمان
بشر تاپر همپشه	صلح دن امن و امان
صلح يخشى نعمت دىر	بىز لر گه غنيمت دىر
اوروش نىڭ يوزى قورسىن	حاصلى فلاكت دىر
اوروش دن داد و فرىاد	قىلگه ي عالم نى بر باد
حيات و سعادت گه	صلح و صفا دىر بنياد

محمد رفيق عنبر

حرمتلى اوقىتووچى!

- ۱- صلح بارەسىدە اوقووچىلر سويەسىگە يرهشە سۆزلەنگ.
- ۲- اوروش نىنگ يامانلىگىنى اوقووچىلرگە توشونتىرىنگ.

عزيز اوقووچىلر!

- ۱- قويدەگى مصرع لىر نىنگ سۆزلىرىنى ايرى- ايرى يازىنگ:
صلح يخشى نعمت دىر بىزلرگە غنىمت دىر
- ۲- اوقووچىلر، صلح بىلەن اوروش نىنگ فرقلىرىنى ايتسىنلر.
- ۳- يرهشتىروچى كىشى بارەسىدە قىسقه سۆزلەنگ.

سىنش:

- ۱- اوقووچىلر، صلح بارەسىدە معلومات بېره آلەدىلرمى؟
- ۲- اوقووچىلر، اوروش يامانلىگىنى بىلىپ دىلرمى؟

اوى تاپشىرىغى:

قويدەگى مصرع لىر نى كىتابچەلرىنگىزگە يازىنگ:

اوروش دىن داد و فرىاد قىلگە ى عالم نى برباد
حىيات و سعادت گە صلح و صفا دىر بنىاد

اۋن بېشىنچى درس

هدف: يىخشى لىك فايده سىنى بېلىش و محتاج كىشى لىرگە ياردەم بېرىش.

۱- يىخشى لىك بارەسىدە بىرارحكاية بىلسىنگىز، ايتىنگ.

۲- سىزدە موجود بولگن بىرنىرسە، قوشنىنىڭىزگە كېرەك بولۇپ قالسە، نىمە قىلەسىز؟

۳- يىخشى لىك بارەسىدە سۆزلىگ.



يىخشى لىك

بىركون بىرچومالى (مورچە) كۆلگە توشىپ كېتدى. ھرقنچە تلىپىنىپ
اوياق-بوياققە سوزدى، سوو دن چىقە آلەمدى. بىرقوش، درخت شاخچە
سىگە اۋلتىرگن اېدى. چومالى نىنگ بوخالىنى كۆرىپ، يورەگى كۆيدى،
درخت دن بىر يىپراغ نى اوزىپ، چومالى نىنگ آلدىگە تشلەدى. چومالى

يېراغ اوستيگه چىقىپ، قوروق ليككە چىقدى و سووگە چۆمىپ كېتىش دىن قوتىلدى.

باشقە بىركون اوشە قوش بىر درخت يالەسىگە اولتۇرىپ، قوناق سىرر اېدى. بىر مېرگن مىلتىغى بىلن شو قوش نى آتماقچى بۇلدى. قوش دىن يىخىلىك كۆرگن چومالى، بو حالنى كۆرىپ، اوق آتاش چاغىدە مېرگن نىنگ اياغىنى چاقدى. مېرگن نىنگ قولى قلىتيرەب، اوقى نشانگە تېگمەدى. اوق تاووشىنى اېشىتگن قوش، درخت دىن اوچىپ كېتدى. بابالريمىز ايتگن لىر:

يىخىلىك قىل، درياگە تشلە. بىلسە بلىق، بىلمسە خالق.

* * *

حرمتلى اوقىتوۋچى!

۱- يوقارىدەگى قىسە نى اوقوۋچىلرگە ايتىپ، يىخىلىك فايده سىنى بىلدىرىنگ.

۲- شوندى قىسەلرنى اوقوۋچىلردىن سۆرەنگ. بىلە دىگن لىر، اۋرىن لىردىن تۇرىپ، صنفداش لىرگە ايتىپ بېرسىن.

۳- آتەلر سۆزىدىن، يىخىلىك بارەسىدە بىرنېچە مقال نى تىنلەپ، اوقوۋچىلرگە ايتىنگ.

عزيز اوقوچيلر!

- ۱- قوييدهگى سوزلردن جانلى نرسه لر نى اجره تيب، كورستينگ:
سوو، چومالى، قوش، اياغ، مېرگن، اوق.
- ۲- يوقاريدهگى متن دن (ب، چ، ل، م، گ، ن) حرفلرى بار سوزلرنى تخته گه يازينگ!
- ۳- قوييدهگى گپلر نينگ بوش جاي لر نى كېره كلى سوزلر بيلن تولديرينگ:
- قوش درخت دن
- مېرگن نى بار.

سېنش:

- ۱- اوقوچيلر، يخشيليك قصه سى نتيجه سىنى آيته آله ديلىمى؟
- ۲- اوقوچيلر، يخشيليك باره سيده سوزلەى آله ديلىمى؟

اوى تاپشيريغى:

قوييدهگى آتەلر سوزىنى دفترلرينگيزگه يازينگ:
يخشى ليک قيل، درياگە تشلە . بيلسە بليق، بيلمسە خالق.

اؤن آلتینچی درس

هدف: قویاش باره سیده قیسقه معلومات تاپیش، اوندن بهره آلیش، اوسیملیکلر وبرچه جاندارلرگه اونینگ کبره کالیگینی بیلش.

۱- قویاش باره سیده سؤزلنگ.

۲- بیزلرگه قویاش نینگ نیمه فایده سی بار؟

۳- قویاش بولمسه، یشش ممکن می؟

۴- گلدان گه گل اېکیب، اونی اوستیریش یوللرینی آیته آله سیزمی؟



قویاش فایده سی

شاه جهان، آته سیگه آیتدی: آته جان، سینگلیم عارفه جان گلدان نی

تشقریگه چیقریب، قویاش یاغدوسی آستیگه قویدی؟

آته سی آیتدی: گلدان نی قویاشلی جایگه قویش نی مېن عارفه

جان گه بویورگن اېدیم. گلر قویاش یاروغلیگی دن بهره آله دیلر.

شاھ جهان، تعجب قیلیب، آته سیدن سؤره دی: گل اوچون قویاش یاغدو سی نینگ نیمه کپره گی بار؟

آته سی آیتدی: قویاش یاغدوسی، یپر یوزیگه توشیب، بوتون دنیانی یاروته دی. الله ﷻ قویاش نی و دنیاده گی برچه نرسه لرنی انسان لر اوچون یره تگن دیر. حیوانلر، قوشلر، اوسیملیکلر و برچه نرسه لر قویاش دن بهره آلیب یشه یدیلر. بیز، یشش اوچون یېمک که محتاج بؤلگنیمیز دېک، اوسیملیکلر هم یېمک که محتاج دیرلر. اوسیملیکلر، یېمک لرینی توپراق، سوو و قویاش نینگ نوری دن آله دیرلر. گلدان گلی گه سوو، توپراق و قویاش یاغدوسی یېتمسه، سېکین- سېکین سؤلیب، قورییدی. گلدان گلی گه سوو، توپراق و قویاش یاغدوسی یېترلی چه یېتیب تورسه، دايم یشنب اوسه دی.

* * *

حرمتلی او قیتو وچی!

۱- قویاش فایده سینی اوقو وچیلر سویه سیگه یره شه آیتینگ.

۲- گل اېکیش و اوستیریش یول لرینی توشونتیرینگ.

عزیز اوقو وچیلر!

۱- قوییده گی سؤراقلرگه جواب آیتینگ:

- قویاش نینگ تیریک لیک که نیمه اهمیتی بار؟

- قویاش یاروغلیگی و ایسیق لیگی بؤلمه گنده، حیات قنده ی بؤلر اېدی؟

۲- قوییده گی هر بیر سؤز بیلن گپ توزینگ:

اوسیملیک، قویاش، یارقین، یومورتقه، ساغلیک، یاروغلیک.

سینش:

- ۱- اوقوچیلر، تیریکیلک اوچون قویاش فایده سینی بیلیب دیلرمی؟
- ۲- اوقوچیلر، گل اېکیش و اونی اوستیریش یول لرینی بیلیب دیلرمی؟

اوی تاپشیریغی:

قویاش دن فایدهلنیش یوللرینی دفترلرینگیزگه یازیب کپلینگ!

اۋن يېتىنچى درس

هدف: نوبت نى مراعات قىلىش، نوبت نىنگ فايده و ضررلارنى بىلىش.

۱- نوبت نى مراعات قىلىش يىخىشى ايش مى يا يامان؟

۳- مىلى بس چوكى سىده اولتيرگن بولسنگىز، بير ياشى اولوغ كىشى كېلىپ قالسه، نيمه قىلەسىز؟



نوبت نى مراعات قىلىش

ارسلان، قووناق حالتده، وقت راق اويىگه قيتدى. آنه سى اوندن سۋرەدى:
بالەجانىم، باشقە كونلر كېچ راق كېلر اېدىنگ، بوگون نېگە وقت راق اوىگە
قېتىنگ؟

ارسلان ايتدى: آنه جان، مىلى بس اېشىگى آلدیده كۋپ كىشىلر تۋپلنگن
اېدىلر. مېن چقانلىك بىلن صف نىنگ آخريدن ایلگىرىگە اۋتیب، نوبت سىز
مۋترگە چىقديم.

آنە سى ايتدى: بالە جان، يىخشى ايش قىلمىسەن. نوبتىنگ گە قرەمسەن
مۇترگە چىقىپ سەن. باشقەلارنىڭ ھەم سېنى دېگەن ضرور ايشلار بار دىر. سېنى،
اولارنىڭ ھەقىنى ئايقا ئاستى قىلىپ سەن. قاتاردا ھەر كىم ايلگىرى راق تورگەن
بۇلسە، ھەق اوشىدىن دىر.

بىر كۈن ارسلان، نان ئايش اوچۇن قاتاردا تورگەن اېدى. بىر نېچە دىققەتەن
سۇنۇك نوبتى يېتىگەندە، بىر كىشى كېلىپ، سەف گە قرەمسەن ئالدىن گە اۆتۈپ،
اونىڭ نوبتىنى ئالماقچى بۇلدى. ارسلان نىڭ اچىغى كېلىپ، اۋشە كىشى گە
ايتدى: كېچىرەسىز، نوبت مېنىدىن دىر. مەرحەمەت قىلىپ، قاتاردا تورىنگە.

او كىشى: مېنىڭ ايشىم كۆپ ضرور، سەف دە تورە ئالەمەن، دېدى.

ارسلان: مېنىڭ ھەم ايشىم بار. مەكتەپ گە كېچە بۇلەدى، دېدى.

سەف دە تورگەن كىشىلەر ھەم ارسلان گە يان باسدىلەر. نوبت ئى بوزگەن كىشى سەف
نىڭ ئاخىر گە بارىپ توردى. ارسلان نان ئى اۋىي گە كېلتىردى و بۇلىپ اۆتگەن
واقە ئى ئانە سىگە ھەكايە قىلىپ، ايتدى: ئانە جان، بۈگۈن مىلى سەف گە نوبت سىز
چىققىنىمەن دىن پەشيمان بۇلىپ، كۆپ اۋىيالىدىم.

آنە سى ايتدى: ارسلان جان، ھەقىقەت ئى بىلگە نىڭ يىخشى بۇلدى.
كىشىلەرنىڭ ھەقىنى ئايقا ئاستى قىلىش، چۆچەك لىك اېمەس، بەلكە عدالت سىزلىك
دىر.

پەيغەمبەرىمىز: اۋزىنگە رۈا كۆرمەگەن نەرسە ئى باشقەلەرگە ھەم رۈا كۆرمە، دېگەن
ايتىلگەن.

حرمتلى اوقىتووچى!

۱- نوبىتى مراعات قىلىش يىغىنى اوقوچىلارگە بىلدىرىنگ.

۲- پىغمبىرىمىز نىنگى حديثىنى اوقوچىلارگە توشونتىرىنگ.

عزيز اوقوچىلار!

۱- اگر سىزلار هم ارسلان دېك بىرار ايش قىلگن بولسىنگىز، ايتىنگ.

۲- قويدىگى سىزلار نىنگى هر بىرى سى بىلن گپ يازىنگ:

اوى، ايش، كېچ، تامان، ظلم، مؤثر، ايلگرى.

سىنىش:

۱- اوقوچىلار، نوبىتىنى مراعات قىلىش يىغىنى لىكىنى بىلىپ دىلرمى؟

۲- اوقوچىلار، پىغمبىرىمىز حديثى بارەسىدە قىسقه معلومات بېرە آلەدىلرمى؟

اوى تاپشيريغى:

قويدىگى حديثىنى دفترلىرىنگىزگە يازىپ كېلىنگ:

اوزىنگىزگە روا كۆرمەگن نرسەنى، باشقىلارگە هم روا كۆرمە.

اؤن سگیزینچی درس

هدف: یوک تاشوچی واسطهلرنینگ آتلیرنی بیلیش، اولرگه اهمیت بېریش و اولرنی

یخشی اسرهش.

۱- یوک تاشوچی واسطهلردن نېچی ته سی نینگ آتینی ایتینگ.

۲- اوتگن زمانلرده انسانلر قندهی واسطهلردن فایدهلنر اېدی لر؟



یوک تاشوچی واسطهلر

یوک تاشوچی واسطهلر: آت، اېشک، خچیر، تېوه، ارابه، گادی، بایسکل،
مؤترسایکل، تراکتور، مؤتر، کېمه، رېل، طیاره، و باشقلردن عبارت دیر. انسانلر
اوتگن زمانلرده باریش- کېلیش و یوک تاشیش اوچون کوپ قیین چیلیکلرگه
اوچراپدی لر. حاضر علم و تخنیک برکتی دن تورلی واسطهلر توزه لیب، انسانلر
اختیارگه قوییلگن دیر. مؤتر و طیاره حرکتی اوچون قولهی یؤلر و میدانلر
قوریلگن و اوزاق یؤلر یقینلشگن دیر. اولکه میزده تېمیریؤلی و دېنگیز یوقلیگی
اوچون آمو دریا سی دن تشقری باشقه یېرلر ده رېل و کېمه دن فایدهلنیلیمهیدی.

اۆلكە مىزدە طيارە، مۆتر، رېل، بايسكل و مۆتر سايكل يىشى فابرىكەلرى يۇق.
 شونىنگ اۋچون، اولر نى چىت اېل لردن ساتىب آلىب كېلتىرەدىلر.
 اۆلكە مىزگە حقيقى تىنچلىك و صلح كېلىشى نى اللہ ﷻ دن اىستەيمىز. شوندى،
 بىلىمدان لىرىمىز تىنچ فكر بىلن اىشلىب، تورلى عصرى واسطەلرنى اختراع قىلىش و
 اىشلىب چىقىرىش امكانىتى گە اېگە بۇلە آلەدىلر.

حرمتلى اوقىتوۋچى!

- ۱- يوك تاشوۋچى واسطەلرى كېرەك لىگىنى اوقوۋچىلرگە توشونتىرىنگ.
- ۲- متن دەگى كۆپلىك سۆزلرنى تخته گە يازىب، اوقوۋچىلر گە توشونتىرىنگ.
- ۳- ماشىن واسطەلرى، انسانلرگە قولەيلىك و آسانلىكلر كېلتىرگنى حقىدە سۆزلنگ.

عزيز اوقوۋچىلر!

- ۱- هر بير اوقوۋچى يوك تاشوۋچى واسطەلر بارەسىدە آيرى- آيرى سۆزلىسىن.
- ۲- قويىدەگى سۆزلر بىلن كپ توزىنگ:
- علم، اوزاق، تېمىر، كېمە، دېنگىز، يۇل، قىين چىلىك.
- ۳- هر بير اوقوۋچى يوك تاشوۋچى واسطەلر آتىنى تخته گە يازسىن.

سىنىش:

- ۱- اوقوۋچىلر، يوك تاشىش واسطەلرى بارەسىدە معلومات بېرە آلەدىلرمى؟

اوى تاپشيريغى:

هر بير اوقوۋچى يوك تاشوۋچى واسطەلر آتىنى دفترلىگە يازىب كېلىسىن.

اۆن توقیزینچی درس

هدف: سگرت نینگ ساغلیقqe، جمعیت و اقتصادگه یتکزهدیگن ضررلرینی بیلش.

۱- سگرت باره سیده سۆزلنگ؟

۲- سگرت انسان لرگه قندهی ضرر یتکزهدی؟

۳- سگرت نیمه دن تیارلنهدی؟



سگرت ضررلری

آلتای، عایله سی بیلن بیر دسترخوان تېگره گیده اۆلتیرگن اېدی. شو چاغده تلویزیون دن داکتر یرهش، سگرت ضررلری باره سیده سۆزلهی باشلهدی:

سگرت نینگ ساغلیق، جمعیت و اقتصادگه ضررلری کۆپ دیر. سگرت توتونی اۆپکه تامیرلری ایچیگه باریب جایلشه دی. نېچه مدت دن سۆنگ، اۆپکه یلیغ لنیب، سرطان و سل کسل لیگی گه یۆلیقه دی. سگرت چېکه دیگن کیشی نینگ آغزی یامان ایس بېره دی، تیشلری سرغهییب، چیریبیدی. سگرت چېکه دیگن کیشی باشقه کسل لیکلرگه هم یۆلیقه دی. اسلام مقدس دینی هم مسکرات نی منع اېتگن.

سگرت چېکیش جامعده رواج لنگن پیتده، یوقاریده آیتیلگن ضررلر جمعیت آرسیده کؤپهیب، کسل لیکلر و کسللر سانی نی کؤپه ی تیره دی. توتون و کسل لیکلر نی پولگه ساتیب آلیش، اقتصادی ضرر دیر.

شو چاغده، آلتای نینگ اکه سی چؤنتگی دن سگرت قوطی سینی چیقرب، سگرت چېکماقچی بؤلدی، لېکن آلتای، اکه سی نینگ قولى دن توتدی و داکتر یرهش نینگ گپلرینی تکرارلې، اکه سیدن سگرت چېکیش نینگ تشلش نی التماس قیلدی. اکه سی، آلتای نینگ گپلرینی دقت بیلن اېشیتیب، سگرتلرینی ایزیب، بوندن سؤنگ سگرت چېکمس لیککه قرار قیلدی.

حرمتلی اوقیتوچی!

- ۱- سگرت نینگ یامانلیگی و ضررلری باره سیده سؤزلنگ.
- ۲- درس متنی ده گی ینگى سؤزلر نی تخته گه یازیب، اوقو وچیلرگه یازیلگن سؤزلر نینگ هر بیرى بیلن گپ توزیش نی بو یورینگ.

عزیز اوقو وچیلر!

- ۱- درس متنی دن سگرت ضررلرینی دفترلرینگیزگه یازینگ.
- ۲- "کیم؟"، "نیمه؟" و "قندهی؟" سؤزلری بیلن باشلنگن نېچه سؤراق گپ توزینگ.
- ۳- ناس، سگرت، چلم و شولرگه اوخشش نرسه لر نینگ ضررلرینی آیتینگ.

سینش:

- ۱- اوقو وچیلر، درس مقصدینی بیلیب دیلرمی؟
- ۲- اوقو وچیلر، سگرت و شونگه اوخشه گن نرسه لر نینگ ضررلرینی بیلیب دیلرمی؟

اوی تاپشیریغی:

سگرت و باشقه ضررلی نرسه لر نینگ آتلی و ضررلری باره سیده بیر نېچه گپ یازیب کېلینگ.

یپگیرمنچی درس

هدف: حرص یامانلیگی و یاردم قیلش یخشی لیگینی بیلش، همده نصیحت‌گه قولاق سالیش.

- ۱- حرص کیشی باره‌سیده سؤزله‌ی آله‌سیزمی؟
- ۲- یاردم قیلش باره‌سیده، آتله‌رسؤزیدن بیرارته سینی آیتینگ؟
- ۳- یخشی کیشی باره‌سیده معلومات بپرینگ؟



قناتلی چومالی (مورچه)

بیر چومالی، بال کؤزه سی یاووغیدن اؤته یاتگن ابدی. بال هیدی نی سبزیب، بال یپماقچی بؤلدی. بلند تاووش (سپس) بیلن: "هرکیم مهنی شوکؤزه نینگ بالی گه یبتیشتیرسه، بیردانه بوغدا ی اونگه بپرهمن" دېدی. شوچاغده بیرقناتلی چومالی یانیدن اوچیب، اؤته یاتگن ابدی. قناتلی چومالی اونینگ تاووشینی اېشیتیب، اونگه ایتدی: اینی-آغه، بال هوسینی باشینگدن چیقر. سپن، بال نینگ شیرین لیگینی اېشیتیب سن؛ لېکن قیین چیلیگی و توزاغی نی بیلمه گن گه اوخشه‌یسن.

چومالی اچيغ لنيب: ياردم قيلمه سنگ، بيهوده نصيحت هم قيلمه، دېدى. قناتلى
چومالی اوز يوليگه كېتدى، لېكن چومالی اوز گپى نى قېته - قېته تكرر قيلر اېدى.
بىر چييين، چومالی نينگ تاووشينى اېشيتيب، اونى بال كوزه سيگه آليب باردى.
چومالی، چييين دن تشكر قىلدى.

چومالی، بالدن آزگينه تاتيپ كوردى. شيرين ليگى ياقيب، كوپراق يېماقچى
بولدى و ايلگرى راق باردى. شوچاغده، آياغى بال شيره سيگه ياپيشيب قالدى.
هرقنچه تليپندى، آياغينى بالدن اوزه آلمه دى. اوز-اوزيگه ايتدى: عجب مصيبت گه
يوليقدىم. قناتلى چومالی نينگ نصيحتى نى قولاغيم گه آليب، بال نى هوس قيلمه
گنيم ده، بو بلا گه اوچرهمس اېديم.

چومالی، بار سېسى بيلن: هرکيم مېنى بو بلا دن قوتقرسه، اونگه ايگى دانه
بوغداى بېرهمن دېب، قيچقيردى. لېكن هېچکيم چومالی نينگ سېسى نى اېشيتمه
دى. ينه تاووشى نى بلند راق چيقاريب: هرکيم مېنى بو بلا دن قوتقرسه، برچه
يېغگن بوغداى لريم نى بېرهمن، دېدى.

شو چاغده، نصيحت قيلگن اوشه قناتلى چومالی، بال كوزه سى آلدیدن اوته
ياتگن اېدى. چومالی نينگ تاووشينى اېشيتيب، توخته دى. قره سه، چومالی نينگ
حالى كوپ يامان، لېكن هېچکيم ياردمى گه يېتمه گن. يوره گى كوييب، چومالينى
بالدن چيقاريب، عذابدن قوتقردى. چومالی، قناتلى چومالی گه تشكر بيلديريب،
بوندن كېين دوستلر نصيحتى گه عمل قيليش گه وعده بېردى.

* * *

حرمتلى اوقىتوۋچى!

- ۱- حرص بارەسىدە اۋقوۋچىلار سۈيەسىگە يەشە قىسقا مەلۇمات بېرىڭ.
- ۲- ھەكايە مەتنى نەتىجە سىنى اۋقوۋچىلارگە بىلدۈرىڭ.
- ۳- يەكشى كىشىلەرنىڭ نەسىھەتىگە قولاق سالىش بارەسىدە اۋقوۋچىلارنى توشونتىرىڭ.

عزيز اۋقوۋچىلار!

- ۱- قۇيىدەكى گەپلەرنىڭ بۇش جايلىرىنى تۈلدۈرىڭ:
 - بىر چومالى بال كۆزەسى ياۋوغيىدىن اۋتە ياتىڭان ايدى. بال يېماقچى بۇلدى.
 - سېن، بال نىڭ شېرىن لېگىنى قىيىن چىلىگىنى بىلمەڭگە اۋخەشەيسەن.
 - قاناتلى چومالىگە تەشكەر بىلدۈرىپ وعدە بېردى.
- ۲- مەن دىن "نېمە" و "قەندەي" سۆزلىرى بىلەن اۋچە سۇراق گەپ تۈزىڭ.

سېنىش:

- ۱- اۋقوۋچىلار، حرص وھرىس كىشىلەر بارەسىدە مەلۇمات بېرە آلەدىلەرمى؟
- ۲- اۋقوۋچىلار، درس نەتىجە سىنى ايتە آلەدىلەرمى؟

اۋى تاپشۇرىغى:

مەن دىن يەككى سۆزلىرىنى دىتەرلەنگىزگە كۆچۈرۈپ، ھەر بىرىگە بىر گەپ يازىپ كېلىڭ.

بیگرمه بیرینچی درس

هدف: حضرت ابوبکر صدیق ؓ باره سیده قیسقه معلومات تاپیش و او کیشی نینگ ایشلریدن اؤرنک آلیش.

- ۱- پیغمبر یمیز تۆرت یاری نینگ آتلرینی ایتیه آله سیزی؟
- ۲- حضرت ابوبکر صدیق ؓ باره سیده معلومات بیره آله سیزی؟



حضرت ابوبکر صدیق ؓ

حضرت ابوبکر صدیق ؓ، اصل آتلی عبداللہ دیر. پیغمبر یمیز حضرت محمد (ص) نینگ مهربان، یقین و بیرینچی یارلریدن بولیب دایم پیغمبر یمیز نینگ خدمت لریگه قول قاووشتیروب، تورگن ایدیلر. آتہ لری نینگ آتی عثمان، اما ابوقحافه گه مشهور ایدی.

ابوبکر صدیق ؓ، پیغمبر یمیز حضرت محمد ﷺ نی تصدیق قیلگن و قوللب قوتلہ گن ابرکک لرنینگ بیرینچی سی دیرلر. اولر برچه بایلیک لرنی اسلام یولیکه

صرف قیلیب، دایم اللہ ﷺ و رسول اللہ ﷺ بویروق لریگه کؤره، ایش قیلر ابدیلر.
 حضرت ابوبکر صدیق رض" برچه مؤمن کیشی لرگه یخشی لیک و خدمت
 قیلگن دیرلر. رسول اللہ ﷺ مکہ معظمه دن مدینه منوره گه هجرت قیلگن چاغلری ده
 حضرت ابوبکر صدیق ﷺ اولرگه یؤلداش بؤلیب، خدمت لریگه بېل باغلب تورگن
 ابدیلر. حضرت ابوبکر صدیق ﷺ، پیغمبریمیزنینگ بویروق لرینی همیشه
 سؤزسیز قبول ایتیپ، عمل گه آشیرر ابدیلر. شونینگ اوچون، پیغمبریمیز
 اونگه (صدیق) لقبینی بېردیلر. حاضرگچه مسلمانلر اونی صدیق آتیگه
 تانییدیلر.

پیغمبریمیز وفات اېتگن لریدن سؤنگ، مسلمانلر ییغیلیشیپ، حضرت
 ابوبکر صدیق ﷺ نی خلیفه قیلیب سیله دیلر. اولرنینگ زمانیده اسلام
 مقدس دینی کوچه ییب، اوزاق جایلرگچه پیره دی. او کیشی، مسلمانلر
 آره سیده فتنه و فساد ترقتووچی لرنی توغری یؤلگه هدایت قیلر ابدیلر.
 اصلاح بؤلمه گن لرنی اسلام چېگره سیدن چېتله تر ابدیلر.

حضرت ابوبکر صدیق ﷺ نینگ خلیفه لیک زمانلریده برچه مسلمانلر،
 اسلام دینی نینگ یاییلیشی و پیره لیشیگه اینتیلدیلر. اولر اینی-آغه و بیر
 عایله اعضا سی دېک، بیر- بیرلریگه اورتاق و مهربان بؤلیب، یشر
 ابدیلر.

حضرت ابوبکر صدیق ﷺ ایگی ییل و آلتی آی خلیفه لیک قیلیب،
 (۶۳) یاشده وفات اېتدیلر. جنازه لری مدینه منوره ده، پیغمبریمیز قبرلری
 یانیده دفن قیلیندی.

حرمتلى اوقيتوۋچى!

- ۱- تۆرت خليفه بارەسىدە اوقوۋچىلار سۈيەسىگە يره شه قىسقه معلومات بېرىنگ.
- ۲- حضرت ابوبكر صديق ؓ بارەسىدە قىسقه معلومات بېرىنگ.

عزيز اوقوۋچىلار!

- ۱- متن نىنگ باشىدن آلتى سطر نى دفترلىرىنگىزگە يازىنگ.
 - ۲- "كىم؟" و "نېمە؟" سۆزلىرى بىلەن آلتى تە سۇراق گپ توزىنگ.
 - ۳- قويدەگى ھەر بىر سۆزگە بىر گپ يازىنگ:
- ياووق، اوزاق، اورتاق، بو يروق، چېگرە.

سېنىش:

- ۱- اوقوۋچىلار، حضرت ابوبكر صديق ؓ بارەسىدە معلومات بېرە آلەدىلرمى؟
- ۲- اوقوۋچىلار، متن نى يىخشى اوقىب، يىنگى سۆزلىرى بىلەن گپ توزە آلەدىلرمى؟

اوى تاپشيريغى:

حضرت ابوبكر صديق ؓ حقيده ايگى سطر متن يازىب كېلىنگ.

يىگىرمە ايگىنچى درس

هدف: اوقوچىلار، مکتب تاپشیریقلارینی اؤز وقتیده بجریب، درس لرینی یخشی اؤقیشلری.

- ۱- مکتب فایدهلری باره سیده سؤزلەى آله سیزمى؟
- ۲- مکتب قاعدهلری باره سیده سؤزلنگ؟
- ۳- مکتب یولیده، یاشی کیچیک اوقوچی باله لرگه قندهی یاردم بیره سیز؟



مکتب یولی

تاشقین و تۆلقون ایگى اکه-اوکه دیرلر. اولر قیشلاقده یشه یدیلر. ایکاولری اوقوچی دیرلر، لېکن مکتبلری شهرده جایلشگن. مکتب بیلن قیشلاق آرەسى اوزاق دیر. شهردن قیشلاقچه تېکیس و پیشیق یول هم یوق. شونینگ اوچون، مؤتر قتنهى آلمهیدی. ایکاولری مکتبگه کؤپ قیین لیک بیلن پیاده باره دیرلر؛ لېکن کؤپینچه، درس باشله نیشی دن کپین راق یتیب باریب، درس لردن تۆلیق بهره آلامه یدیلر. کپینگی وقتلرده معارف وزیرلیگی تامانیدن قیشلاقده ینگى

مکتب قوریلدی. قیشلاق باله‌لری مکتبده درس اؤقی باشله‌دیلر.

شهر مکتبی نینگ مدیری، تاشقین و تولقون نینگ احوال‌لریدن خبردار اېدی. شونینگ اوچون، اولرنی اؤز آلدیگه چقیریب: "عزیز اؤقوچیلر، مېن سیزلر نینگ قیین چیلیک لرینگیزدن خبریم بار. اېرتە، آتەنگیز کېلسین‌لر. سیزلر نینگ سە پارچە لرینگیزنی قیشلاغینگیزده قوریلگن ینگى مکتبگە بېرەمن"، دېدی. اېرتە سى اولر نینگ آتە سى، مکتب مدیری نینگ آلدیگە باردی. مکتب مدیری تاشقین و تولقون نینگ سەپارچە لرینی آتەلری گە تاپشیردی. اولر، سەپارچە لرینی قیشلاق مکتبی گە آلیب باردیلر. تاشقین و تولقون قیشلاق مکتبیده اؤقیش لرینی دوام بېردیلر.

حرمتلى اوقیتوچى!

- ۱- متنده‌گی ینگى سؤزلرنی تخته‌گە یازیب، اؤقوچیلرگە هر بیر ینگى سؤز بیلن جمله توزیش نی بویورینگ.
- ۲- مکتب بارەسیده اؤقوچیلر سویه‌سیگە یرەشە معلومات بېرینگ.

عزیز اؤقوچیلر!

- ۱- قویده‌گی سؤراق‌لرگە جواب بېرینگ:
- تاشقین و تولقون نیمە اوچون اؤز وقتیده مکتبگە بارە‌آلمس اېدیلر؟
- مکتب مدیری، تاشقین و تولقون نینگ قیین چیلیک‌لرینی قنده‌ی حل قیلدی؟
- تاشقین و تولقون نینگ آتەلری نیمە ایش قیلدی؟
- ۲- متن دن فایده‌لنیب، نېچە سؤراق گپ توزینگ.

سېنش:

۱- اوقوچيلر، درس متنى نى اوقيب، مفهومىنى بېلىب دىلرمى؟

۲- اوقوچيلر، مکتب يولى حکايه سىنى بېلىب دىلرمى؟

اوى تاپشيريغى:

اوقوچيلر، درس متنى ده گى تېگىس، محنت، بهره و ينگى سۆزلىرى بىلن بىر نېچە گپ توزىب،

دفترلىگه يازىب كېلسىنلر.

پیگیرمه اوچینچی درس

هدف: اؤقوچی لر نی وطن سبورلیککه قیزیقتیریش.

- ۱- اولکه میزنینگ آتی نیمه دیر؟
- ۲- افغانستان ولایتلریدن نیچی ته سی نی آیتینگ؟
- ۳- اولوسواللیک و قیشلاق لرینگیز آتینی آیتینگ؟



افغانستان

بابام یورتی، مسکنیم سن	سپن جانیم سن، سپن تنیم سن
افغانستان، افغانستان	آنه توپراق وطنیم سن
بهار کپلسه لاله زار دیر	تاغ لرینگ نینگ باشی قاردیر
افغانستان، افغانستان	تاش لرینگ نینگ لعلی باردیر
یولینگ ده مهن بیره ی جانیم	سپنینگ اوچون توکه ی قانیم
افغانستان، افغانستان	آنه جانیم، مهربانیم

صدرالدین انتظار

حرمتلی اوقیتووچی!

- ۱- اوقووچیلرنی بیرجایگه ییغیب، "افغانستان" ترانه سی نی اوقیتتیرینگ.
- ۲- وطن سېورلیک باره سیده اوقووچیلرگه سؤزلنگ.
- ۳- افغانستان نقشه سینی صنفگه کپلتیریب، افغانستان ولایتلری، تاغ و دریالری و پایتختی نی اوقووچیلرگه کورستینگ.

عزیز اوقووچیلر!

- ۱- قویده گی مصرع نینگ سؤزلری نی ایری- ایری یازینگ:

سېن جانیم سن، سېن تنیم سن بابام یورتی، مسکنیم سن

- ۲- قویده گی مصرع نینگ بوش جای لرینی تولدیرینگ:

تاغ لرینگ نینگ بهار کپلسه

تاش لرینگ نینگ افغانستان

سینش:

- ۱- اوقووچیلر، افغانستان ترانه سینی کتاب یوزیدن اوقی آله دیلرمی؟
- ۲- اوقووچیلر، نقشه یوزیده افغانستان ولایتلرینی کورسته آله دیلرمی؟
- ۳- اوقووچیلر، وطن سېورلیک باره سیده سؤزله ی آله دیلرمی؟

اوی تاپشیریغی:


قویده گی شعرنی دفترلرینگیزگه یازیب کپلینگ:

سېنینگ اوچون تۆکه ی قانیم یؤلینگ ده مېن بېره ی جانیم
آنه جانیم، مهربانیم افغانستان، افغانستان

یئگرمه تۆرتینچی درس

هدف: تورلی کارت لرنی تانیب، کارت لردن فایده لیش و اونگه قیزیقیش.

- ۱- دوستلرینگیز نی بیراریغیلیش گه قندهی چقیره سیز؟
- ۲- قرآنکریم ختمی، ختنه توی، توغیلگن کون محفلی، هییت و باشقه مراسملرده نیمه ایش قیله سیز؟



چقیرق کارت لری

اېلیمیز، قووانچلی، قیغو و ماتم کونلریده ایلگری دن قالگن رسم و رواج لرنی بجره دیلر. نکاح توییده، کارت لر آرقلی قوم- قرینداش و دوستلرینی چقیره دیلر. ختنه توی اوچون کۆپ جایلرگه خط ییباریب، نېچه کون، اوغلاق، ساز و سرود بیلن توی و تماشا قیله دیلر. هییت کونلریده اوزاقده گی اینی- آغه و دوستلر نی کارت و یا تېلفون آرقلی تبریک لیدی لر.

ماتم کونلریده، عزادار بؤلگن لرگه اوچ کون گچه دوستلری و قرینداش لری طعام ییباره دی. اوچینچی کونده ختم و خیرات قیلیب، کارت آرقلی اېل چقیرله دی.

قووانچ و قیغو- ماتم مراسمی اوچون تورلی کارت لر چاپ ایتیلگن. اولر قوییدهگی لر دن عبارت دیر: نکاح توی کارتی، هییت قوتلاوی کارتی، ختنه توی کارتی، قرآنکریم ختمی کارتی، ینگ ییل قوتلاوی کارتی و باشقه لر.

حرمتلی اوقیتوچی!

- ۱- تورلی کارت لر توغریسیده سۆزلنگ.
- ۲- درس متنی دن ینگ سۆزلرنی تخته گه یازینگ.
- ۳- رسم باره سیده اوقوچی لر دن سۆرهنگ.
- ۴- ایلگری دن قالگن یخشی رسم و رواج لر باره سیده قیسقه معلومات بپرینگ.

عزیز اوقوچی لر!

- ۱- ینگ سۆزلر بیلن گپ توزینگ.
- ۲- گروهی صورتده کارت لر باره سیده سۆزلیشینگ.
- ۳- اولوس ایشلریگه یاردم بپریش باره سیده اچ گپ یازینگ.

سینش:

- ۱- اوقوچی لر، کارت لر باره سیده معلومات تاپیب دیلرمی؟
- ۲- اوقوچی لر، درس متنی دن بیرلیک و کۆپلیک آتلرنی تاپه آله دیلرمی؟
- ۳- ینگ سۆزلر بیلن گپ توزه آله دیلرمی؟

اوی تاپشیریغی:

مکتب اداره سیگه رخصت اوچون رقعہ یازیب کپلینگ.

یگیرمه بېشینچی درس

هدف: سلام لشماق آدابى و فايده لړينى بيليش، سلام نى عملى شكل ده بجرىش و اونگه قيزيقىش.

- ۱- سلام لشماق نى بيله سيزلرمى؟
- ۲- قيسى وقتده سلام بېرىش كېره ك بوله دى؟
- ۳- سلام لشماق اېل آره سيده نيمه نى كڅپه تيره دى؟



سلام بېرىش

مېن هرکون مکتب یولیده، اوچره گن کیشی لر گه سلام بېره من. مکتب گه پېتگنیم دن سونگ، اوقیتووچی لر، صنفداش لر و مکتبداش لریمگه سلام بېره من. مکتب دن اوی گه قیتگنیم ده، آتم، آنهم، اکه و اوکه لریم گه سلام بېره من. سلام لشماق اېل آره سيده دوستلیک و محبت نى كڅپه تيره دى. تېمور، اوتگن کون صنف گه کیرگنیده، صنفداش لریگه "سلام" دیدی.

اوقیتووچیمیز، او نینگ جوابیگه ایتدی:

تېمورجان، هروقت سلام بېرسنگ، "السلامُ علیکم" دېب، سلام بېر و باشقهلر
نینگ سلامیگه، "وعلیکم السلام" دېب، جواب قیتر.

حرمتلی اوقیتووچی!

- ۱- سلاملشماق نینگ فایدهلرینی اوقووچیلرگه بیلدیرینگ.
- ۲- کیشی لرگه سلام بېریش آدابی نی اوقووچی لرگه بیلدیرینگ.
- ۳- درس متنی نی اوقووچیلرگه اوقیتیب، یازدیرینگ.

عزیز اوقووچیلر!

- ۱- قوییدهگی جملهلر نینگ بؤش جایلرینی تۆلدیرینگ:
مکتب گه یتکیم دن سۆنگ سلام بېرمن.
سلاملشماق دوستلیک و محبت نی کۆپه ی تیره دی.
- ۲- یوقاریدهگی درس دن (ک ، س ، ن) حرفلری ایشلەتیلگن سۆزلرنی یازیب، هر بیر ییلن
گپ توزینگ.
- ۳- اوقووچیلر بیر- بیرلری ییلن سلاملشماق نی عملی صورتده بجرسینلر.

سینش:

- ۱- اوقووچیلر درس متنی نی اوقی آله دیلرمی؟
- ۲- اوقووچیلر سلاملشماق نی عملی صورتده بجره آله دیلرمی؟

اوی تاپشیریغی:

قوییدهگی گپلر نی کتابچهلر نینگیزگه یازیب کېلینگ :
هر کیم سیزلرگه سلام بېرسه، جوابیگه "وعلیکم السلام" دېب، جواب قیتهرینگ.

پیگیرمه آلتینچی درس

هدف: بیرلیک معنا سینی بیلیش، بیرلیکده یشش و بیرلیک که قیزیقیش.

- ۱- افغانستان ده یشاچی ملیت لر نینگ آت لرینی آیته آله سیزی می؟
- ۲- افغانستان اولوسی بیرلیکده یشه سهر، نیمه فایده سی بار؟ اوز فکر نگیز نی آیتینگ.
- ۳- اتفاق سیزلیک ضرر لری باره سیده سوز لنگ.



بیرلیک

طوطی، مینا و قمری	یشه یدی بیر وطن ده
لاله، نرگس، بنفشه	یشنه یدی بیر چمن ده
تاجیک، پشتون، هزاره	اوزبک، بلوچ و تورکمن
برچه میزگه اېمس مو	بیر افغانستان وطن؟
کپلینگ، ایناغه لیک نی	چین دن بنیاد اېته یلیک
بیرلیکده، بیرگه لیکده	یورت نی آباد اېته یلیک

حرمتلی اوقیتووچی!

- ۱- اوقووچیلرنی ییغیب، یوقاریده گی شعرنی اوقیتتیرینگ.
- ۲- وحدت و بیرلیک نینگ یخشی لیگی و نفاق نینگ یامانلیگی نی اوقووچیلرگه بیلدیرینگ.
- ۳- افغانستان ده یشه یدینگن ملیت لرنینگ آت لرنی تخته گه یازیب، اوقووچیلرگه اورگتینگ.

عزیز اوقووچیلر!

- ۱- قویده گی مصرع نینگ سؤزلرنی آیری- آیری تخته گه یازینگ:
- | | |
|---------------------|----------------------|
| اؤزبک، تاجیک، هزاره | پشتون، بلوچ و تورکمن |
| برچه میزگه اېمس مو | بیر افغانستان وطن؟ |

- ۲- قویده گی سؤزلرنینگ هر بیر ییلن گپ توزینگ:
- طوطی، چمن، وطن، اینی- آغه، بیرلیک، یورت.
- ۳- قویده گی مصرع لرنینگ بؤش جایلرنی تۆلدیرینگ:
- | | |
|----------------|---------------|
| کېلینگ | چین دن |
| بیرلیکده | یورت نی |

سینش:

- ۱- اوقووچیلر، بیرلیک شعرنی اوقی آله دیلرمی؟
 - ۲- اوقووچیلر، وحدت و بیرلیک باره سیده قیسقه معلومات بهره آله دیلرمی؟
- اوی تاپشیریغی:

قویده گی شعرنی کتابچه لرنیگیزگه یازینگ:

اؤزبک، تاجیک، هزاره	پشتون، بلوچ و تورکمن
برچه میزگه اېمس مو	بیر افغانستان وطن؟

یگیرمه ییتینچی درس

هدف: کیشی لر و نرسه لر نینگ آتلیرنی گپلرده کورستیش و ایشله تیش.

۱- کیشی لر آتلیرنی گپلرده ایشله ته آله سیزمی؟

۲- نرسه لر آتی بیلن بیر نچه گپ توزینگ.

۳- گپ، نیمه لردن توزیله دی؟



بهار بیره می

یولدوز، آنه سیدن بهار بیره می باره سیده سوره دی. آنه سی ایتدی: "بهار باشلەنیشی بیلن طبیعت اویقودن اویغانه دی. گویا عالم ینگى دن یره تیلگن دېک بولیب، انسان نی قووانتیره دی. بهار نینگ بیرینچی کونی نوروز دېب، آتەله دی. بوکونده اولکه میزنینگ ساي-آدیرلری، تاغ-تپه لری، باغ-بوستانلری یم-یشیل بولیب، قیزغلداقلر و تورلی گل لرگه توله دی. برچه یاش و قری، ابرکک و خاتین لر

دشت و دله لرگه چیقیب، تورلی اژیین-تماشالرگه قتنشه دیلر. بهار، ایش فصلی دیر. بهار کپلیشی بیلن، اېکین زارلرده ایش کۆپه ییب کپته دی. سېن سېویملی قیزیم، ینه مکتبگه باریب، بیلیم آلیشنی دوام اېتتیره سن". یولدوز، آنه سیدن بوسؤزلرنی اېشیتیب، کۆپ خورسند بؤلدی.

اېسالمه:

یوقاریده گی متن ده "یولدوز، دهقان، ایشچی، اوقووچی، ابرکک و خاتین"، کیشی لر آتی دیر. "طبیعت، سای، تاغ، باغ، آدیر، قیزغداق، اولکه، گل، دشت، دله، مکتب"، نرسه لر آتی دیر.

* * *

حرمتلی اوقیتووچی!

- ۱- متن دن کیشی لرو نرسه لر نینگ آتینی تخته گه یازیب، اوقووچیلرنی توشونتیرینگ.
- ۲- نېچه گپ نی تخته گه یازیب، گپ ده گی کیشی لر و نرسه لر آتینی اوقووچیلرگه بیلدیرینگ.

عزیز اوقووچیلر!

- ۱- متن نی اوقیب، کیشی لر و نرسه لر آتینی کورستینگ.
 - ۲- قوییده گی متن دن کیشی لر و نرسه لر آتینی کورستینگ:
- بابر و تېمور، باغچه لرگه لاله، بنفشه و قیزیل مرسل گل لرنی اېکه دیلر. بهار فصلیده لاله و بنفشه لر آچیلیب، مرسل بته سی یشنب، گل لهیدی.

سینش:

۱- اوقوچیلر، کیشیلر و نرسه لر آتینی متن دن کورسته آله دیلرمی؟

۲- اوقوچیلر، کیشیلر و نرسه لر آتی بیلن گپ توزه آله دیلرمی؟

اوی تاپشیریغی:

قوییده گی گپلرنی دفترلرینگیزگه یازیب، کیشی لر و نرسه لر آتینی ایری- ایری یازینگ:

۱- مېنگلی هرکون مکتبگه کتاب، قلم، کتابچه، پئسل و باشقه کپره کلی نرسه لرینی آلیب کپته دی.

۲- محمد قاسم دهقان دیر. او، اپکین زاریده قوش هیدهیدی.

يېگيرمه سگزينچى درس

هدف: توغريليك نى توشونيش، عملگه آشپريش، درس متنى نى اوقيش و توغريليك كه قيزيقيش.

۱- توغريليك باره سیده سۆزلەى آله سیزمى؟

۲- توغريليك قیلگن آدم نینگ حکایه سینی آیته آله سیزمى؟

۳- رسم ده نیمه نى كۆریب توریب سیز؟



توغرى ليك

كېنجه باي گه آنه سى يېگيرمه افغانى بېرىپ: باله م، شو پولگه نانوا دن تورت ته نان آليپ كېل، دېدى. كېنجه باي، آنه سى بېرگن يېگيرمه افغانى نى نانوا گه بېرىپ، مېنگه تورت ته نان بېرىنگ، دېدى. نانوا كېنجه بايگه تورت ته نان بېرىپ، اوڭيز افغانى نى هم قىتھرىپ بېردى.

کېنجه‌بای، نان بیلن پول نی آځگندن سونگ، مېن نانوا گه ییگیرمه
افغانی بېرگن اېدیم، نانوا مېنگه تورت ته نان وینه اوټیز افغانی بېردی
دېب، اوېلب قالدی. نانوا نینگ ینگلیش گنی نی توشونیب، اونینگ
آلدیگه باریب، ایتدی: اکه جان! مېن سیزگه ییگیرمه افغانی بېرگن اېدیم.
سیز مېنگه تورت ته نان وینه اوټیز افغانی بېرب سیز.

نانوا، کېنجه‌بای نینگ سوزینی اېشیتگندن سونگ، کېنجه‌بای دن
کټوپ خوشلیک قیلیب، باشینی سیلب، اوټیز افغانی دن اون افغانی
سینی اونگه بغیشله‌دی.

کېنجه‌بای، نانوالیک ده بولیب اوټگن بو واقعه نی آته-آنه سی و
صنفاشلیگه ایتدی. آته-آنه سی و صنفاشلی اونیگ قیلگن یخشی
ایشیدن خوشلیک قیلدیلر. کېنجه‌بای صنفاشلی ایچیده توغری لیکه
مشهور بولدی.

* * *

حرمتلی اوقیتووچی!

- ۱- توغریلیک باره‌سیده اوقووچیلر سویه‌سیگه یره‌شه سوزلنگ.
- ۲- درس نتیجه سینی اوقووچیلرگه توشونتیرینگ.
- ۳- درس متیندن کیشی‌لر و نرسه‌لر آتینی تئلب، تخته‌گه یازیب، اوقووچیلرگه بیلدیرینگ.

عزيز اوقوچيلر!

۱- تخته گه يازيلگن ينگى سۆزلرنى دفترلرينگىزگه يازيب، هر بير سۆز بيلن گپ توزينگ.

۲- تۇغرىلىك فايدهلرينى بيرمه-بير ايتينگ.

۳- كېنجه باي نينگ قىلگن ايشى باره سيدة گروپلرگه بۆلينيپ، بحث قىلينگ.

۴- كيشىلر و نرسه لر نينگ آتيني متن دن تاپيب، ايتينگ.

سېنش:

۱- اوقوچيلر، كېنجه باي نينگ تۇغرىلىكى و صداقتى باره سيدة سۆزلەي آلەديلمى؟

۲- اوقوچيلر، كېنجه باي نينگ نانوا گه نيمه دېگنى حقيده سۆزلەي آلەديلمى؟

اوى تاپشيريغى:

كېنجه باي گه اوخشە گن آدم لرينىڭ آت لرينى تاپيب، قىلگن ايشلرينى اېرتە گە صنفداش لرينگىزگە حكاية قىلينگ.

يىگىرمە ئوقۇيىنچى درس

ھەدەف: بىلىم اۋرگىنىش گە قىزىقىش و ھەرىيەت بىلىم اۋرگىنىش كېرەكلىگىنى

توشۇنىش.

۱- علم اۋرگىنىش بارەسىدە سۆزلەنگ.

۲- علمسىز و جاھل كىشى بارەسىدە سۆزلەي آلەسىزمى؟

۳- علم بۆلمە گندە بو گونكى ترقىيات نىنگ يوز بېرىشى مەمكىن اېدىمى؟



بېشىك دن قېرگچە، بىلىم اۋرگن

ياشى يېتمىش بېشىگە يېتگن بىركىشى، اۋلىم ھالەتدە ياتگن اېدى.

خاتىن-بالەلرى و يقىن قىرىنداشلرى تېگرەگى گە يىغىلىپ، اۋلتىرگن اېدىلر.

شو چاغده، كسل نینگ دۇستلريدن بىرى يانېگە باريب، حالينى سۇرەدى. كسل كىشى اېشيتىلر-اېشيتىلمس تاووش بىلن سۇزلب، دۇستېگە: سيزدن بىرمسئالە نى سۇرەگن اېدىم. ممكن بۇلسە، حاضرمېنگە جوابىنى ايتىنگ، دېدى.

دۇستى ايتدى: سيز، كسل سيز. ساغليگىنگىز يىخشى اېمس. شوندهى حالتدە مسئالە جوابى نىنگ نېمە كېرەگى بار؟

كسل كىشى ايتدى: شو مسئالە نى بىلىب اولسم يىخشى مى يا بىلمەى، جەهالتدە دنيادان كېتسم يىخشى مى؟

دۇستى، مسئالە جوابىنى ايتىب، كسل نىنگ يانيدن چىقىب كېتدى. اونىنگ چىقىشى بىلن، كسل نىنگ اوييدن يىغى- سىغى تاووشى اېشيتىلدى. كسل نىنگ دۇستى شاشىلىب، كسل آلدىگە قېتىب كېلدى. قرەسە، كسل اولىب قالگن اېكن.

شوكسل كىشى نىنگ كىمليگىنى بىلەسيزمى؟

شوكىشى نىنگ اتى، ابوريحان البېرونى دىر. بېرونى اۋزېك اولوسى نىنگ اېنگ بويوك عالم لريدن بۇلىب، علم يۇلىدە جودە محنتلر چېكىب، كۇپ خدمتلر قىلگن. بېرونى ھجرى (۴۲۷) نچى يىلدە يېتمىش بېش ياشدە وفات اېتدى. او، بىريوز و اۋن اوچ (۱۱۳) كتاب و رسالە يازگن اېدى. اونىنگ يازگن كتابلرى، رياضيات، جغرافيه، نجوم، طب، جيولوجى، داروشناسلىك، مردم شناسلىك و باشقە علم لرگە تېگىشلى دىر.

ابوریحان بېرونی نینگ وفاتیدن قریب مینگ ییل اؤتگن بؤلسه ده،
حالی هم اونینگ کتابلردن علمی تحقیقاتلرده فایده لنیله دی.

حرمتلی اؤقیتو وچی!

- ۱- بېشیک دن قبر گچه بیلیم اؤرگن.
- یوقارده گی حدیث شریف معنا سی حقیده اؤقووچیلر سویه سیگه یره شه،
معلومات بېرسین.
- ۲- ابوریحان بېرونی باره سیده قیسقه معلومات بېرینگ.

عزیز اؤقووچیلر!

- ۱- "علم اؤرگنیش، برچه مسلمان ابرکک و خاتین- قیزلرگه کبره ک لیگی حقیده
سؤزلنگ" دېگن، پیغمبریمیز حدیثلری باره سیده سؤزلنگ.
- ۲- قوییده گی گپلرنی "کیم" و "نیمه" بیلن سؤراق گپگه اؤزگرتیرینگ:
- یاشی یېتمیش بېشگه یېتگن بیرکیشی اولیم حالتده یاتگن اېدی.
- سیزدن بیرمسأله نی سؤره گن اېدیم. ممکن بؤلسه، حاضر مېنگه جوابینی
آیتینگ.

سینش:

- ۱- اؤقووچیلر، علم اؤرگنیش نینگ اهمیتی نی بیلیب دیلرمی؟
- ۲- اؤقووچیلر، ابوریحان بېرونی باره سیده قیسقه معلومات بېره آله دیلرمی؟

اوی تاپشیریغی:


قوییده گی گپنی دفترلرینگیزگه یازیب، شو باره ده نېچه جمله یازیب کېلینگ:

"بېشیک دن قبر گچه بیلیم اؤرگن."
(حدیث شریف)

اوتیزینچی درس

هدف: میکروب باره سیده معلومات تاپیش، اوندن اوزنی اسرهش یوللرینی بیلش و ساغلیققه قیزیقش.

- ۱- میکروب باره سیده معلومات بهره آله سیزی؟
- ۲- میکروب لر کؤپراق قه یپرلرده یشب، کؤپه یه دی؟
- ۳- اوزیمیزی میکروب دن قنده ی اسره ی آله میز؟



میکروب

باله م، بونکته نی دایم ایشیتگیل

حقیقت نی همپشه یخشی بیلگیل

کیشی لر یاوی میکروب هرزمان دیر

بلا و آفت و هم خصم جان دیر

هر آفت دن ميكروب لر دير يامانراق
 كسل ليكلر يره تگه ي عالمه، باق
 قيلر توپراق ايچيده اؤزنى پنهان
 عذابده كېچه، كوندوز اوندن انسان
 قولىنگنى پاك سقله هر زمان يوو
 تيارلب اؤزىنگه صابون بيله سوو
 اوزاق سقله چييين لردن اؤزىنگنى
 يوز و قول و آياق و هم كؤزىنگنى
 يوويب مېوه بيله هم سبزيجات نى
 كوچىنگنى صرف ايتيب، اسره حيات نى
 كئيف نرسه بؤلر ميكروب كانى
 ياووق بؤلمه اونگه، كؤپ دير زيانى

آته لرسؤزى:
 پاك ليگىنگ - ساغ ليگىنگ.

حرمتلى اؤقيتووجى!

- ۱- ميكروب باره سيدة اؤقوچيلر سويه سيگه يره شه سؤزلنگ.
- ۲- ميكروب دن اؤزنى سقلش يؤل لرينى اؤقوچيلرگه بيلديرىنگ.
- ۳- ميكروب باره سيدة يازيلگن شعرىنگ معنى و مفهومىنى اؤقوچيلرگه توشونتيرىنگ.

عزيز اوقوچيلر!

- ۱- اوقوچيلر، گروه شكيلیده ميكروب بارهسيده سئوز لشيپ، آخر چاغده هر گروه دن بير اوقوچى تخته يانيگه باريپ، ميكروب بارهسيده معلومات بېرسين.
- ۲- هر بير اوقوچى شومتندن بير مصرع نى اوقيب، باشقهلرگه معنى قيلسين.
- ۳- هر اوقوچى اوزنيدن توريپ، ميكروب دن اوزىنى اسرهش يوللرينى باشقهلرگه ايتيب بېرسين.

سېنش:

- ۱- اوقوچيلر ميكروب بارهسيده قيسقه معلومات بېره آله ديلرمى؟
- ۲- اوقوچيلر ميكروب دن اوزلرينى اسرهش يوللرينى بېليپ ديلرمى؟

اوى تاپشيريغى:

ميكروب ضررلى بارهسيده دفترلر ينگيزگه قيسقه معلومات يازيب كېلىنگ.

اوتیز بیرینچی درس

هدف: یوویلمه گن مېوهر ضررلرینی بیلش و پاکیزه لیک باره سیده یازیش و سؤزلش.

- ۱- بازاردن آلمه ساتیب آلیب، اونى یوومه ی یېسنگیز یخشی می؟
- ۲- شفتالو باره سیده سؤزله ی آله سیز می؟
- ۳- یوویلمه گن مېوهر، یېیشی نینگ ضررلرینی آیته آله سیز می؟



یوویلمه گن شفتالو

عبدالله بیلن ابرکین صنفداش دیرلر. هراپرتیه ایکاولری بیر- بیرینی چقیریب، مکتب تامانگه جؤنه یدیلر. بیر کونی ایکاولری مکتب گه بارر ایدیلر. یؤل ده، ارايه ده شفتالو ساتیب تورگن کیشی بیلن اوچره شدیلر. عبدالله، ابرکین گه آیتدی: مېنینگ بېش افغانیم بار. سېن هم بېش افغانی بېر، شفتالو ساتیب آله میز. ابرکین هم چؤنتگیدن بېش افغانی چیقردی. ایکاولری شفتالو ساتووچی دن اون

افغانیګه شفتالو ساتیب آلدیلر. بیر چپتګه باریب اولتیریپ، شفتالو نی ییدیلر. سونګ مکتب تامانګه یول آلدیلر. نېچه دقیقه دن سونګ، اېرکین قارنی نی اوشلب، عبدالله ګه ایتدی: عبدالله! مېنینګ قارنیم آغریدی.

عبدالله ایتدی: مېنینګ قارنیم هم آغریماق ده.

ایکاولری کؤپ قینه لیب، مکتبګه ییتیب باردیلر. صنف ګه کیریپ، چوکی لریده اولتیرګندن سونګ، قارین لری نینگ آغریغی کؤپه ییب ایکاولری آه و ناله قیله باشله دیلر.

استادلری سؤره دی: عزیز اوقو وچیلریم، سیزلرګه نیمه بؤلدی؟ نیمه اوچون قېنله سیزلر؟

اېرکین ایتدی: قارنیمیز آغریب قالدی.

اوقیتووچی سؤره دی: اېرته لب نیمه یېګن اېدینګیز؟

اېرکین بیلن عبدالله ایتدیلر: نان یېدیک، چای ایچدیک. باشقه نرسه یېګنیمیز یوق، لېکن یولده اون افغانیګه شفتالو ساتیب آلیب یېدیک.

استادلری ایتدی: سیزلر اوشه شفتالو نی یوومه ییپ سیزلر، شونینگ اوچون، بو کسل لیککه یولقیب سیزلر. اېسینګیزده بؤلسین، کېلګوسیده مېوه لرنی یوومه ییپمنګ. حاضر تورینگ، داکترګه باره یلیک.

استادلری، اېرکین بیلن عبدالله نی داکترګه آلیب باردی. داکتر اولرنی معاینه قیلیپ، دوا بېردی. عبدالله بیلن اېرکین استادلریګه، کېلګو سیده مېوه لرنی یوومه ییپمس لیککه وعده بېردیلر.

حرمتلى اوقيتوچى!

- ۱- اوقوچيلرگە دايم مېۋەلرنى يويىپ يېيىشلىرى بارەسىدە ئاكىد قىلىنىڭ.
- ۲- اوقوچيلار نىنگ سويەسىگە يەر شە، يويىلمەگەن و ناپاك مېۋەلەر نىنگ ضررلىرىنى توشونتىرىنىڭ.
- ۳- اوقوچيلرگە پاكلىك و تازەلىك بارەسىدە معلومات بېرىنىڭ.

عزيز اوقوچيلار!

- ۱- قويدەگى سۇراقلرگە جواب بېرىنىڭ:
 - عبدالله بىلەن ابركىن نىمە ايش قىلدىلار؟
 - عبدالله بىلەن ابركىن قندەى كسللىككە يۇلىق دىلار؟
 - عبدالله بىلەن ابركىن نى كىم داکترگە آلىب باردى؟
- ۲- قويدەگى سۇزلرنىنگ حرفلىرىنى آيرى- آيرى يازىنىڭ:
كىتاب، قلم، پىنسل، كسل، كېلگوسىدە.

سىنىش:

- ۱- اوقوچيلار، يويىلمەگەن مېۋەلەر ضررلىرىنى بىلىپ دىلرمى؟
- ۲- اوقوچيلار، درس مەتنى دن ىنگى سۇزلرنى تختهگە يازىپ، اونگە كپ توزە آله دىلرمى؟


اوى تاپشيريغى:

قويدەگى بۇش جايلرنى مناسب سۇزلر بىلەن تولدۇرىپ، دفتىرلىنىگىزگە يازىپ كېلىنىڭ:
عبدالله بىلەن ابركىن دىرلر. ھراپرتە بىر چقىرىپ،
مەكتەپ تامانگە

اوټيز ايگنچي درس

هدف: اوزوم بارهسيده معلومات تاپيش، اونينگ تورلريني بييلش، اقتصادي فايدهلريدن آگاه بوليش و اونينگ اېكيشي گه قيزيقش.

- ۱- اوزوم بارهسيده معلومات بېره آله سيزمي؟
- ۲- نېچه تور اوزوم نينگ آتيني ايتينگ.
- ۳- اوزوم تاكيني اېكيش و اوندن فايده آكيش بارهسيده سؤزلنگ؟



اوزوم

اوزوم، مېوهلر نينگ بير توري دير. اوزوم، پيشگندن سؤنگ كؤپ شيرين ومزهلي بؤله دي. اوزوم ساغيلققه كؤپ فايدهلي دير. اوزوم باغلري اولكه ميز نينگ پروان، قندهار، فارياب، تخار، غزني، هرات، جوزجان، سرپل، سمنگان، بلخ و كابل ولايت لريده كؤپراق دير. شونينگدېك، اوزوم تورلري

كۆپ بۆلۈپ، آق كۈشمۈش، قىرەكۈشمۈش، كۈسۈنۈ، كۈيۈ، چال، آبجۈش،
آتەمچىگى، خىلى، شەبى، سەبى، زەگ كە و باشقە بىرقنچە آتەر بىلەن
اتەلەدى.

اوزوم باغ ايشلرى بىلەن شۇغلەنۈۈچىلەر باغدار و اوزومگە باغلىق ايشلەر
باغدار چىلىك دې، ايتىلەدى. اوزوم تاكلىرى نىنگ شاخلىرى كۈت آيىدە
كېسىلەدى. يىخىلى سەل بېرەدىگەن شاخلىرىنى اىگى يە اۈچ قىرچ قۇيىپ،
كېسەدىلەر و تاكلىرىنىگ تۈبلىرىنى بېل اۈرىپ، يۈمۈشەتەدىلەر. مەينە وكتە تاك
باغلىرىنى سۈغارىپ، يەلۈيى اۋتلىرىنى اۋرىپ آلەدىلەر.

كۈز فەلىدە قۈرىتىلەدىگەن اوزوم نى قۈيەش كۈرەتىگە قۇيىپ، قۈرىتىپ
آلەدىلەر. اوزوم دىن تازە و قۈرىتىلگەن شەكلدە فەيدەلەنىلەدى. اۈلكە مەز تاجىلىرى
تازە اوزوم و مەيز نى باشقە اۈلكەلەرگە يەبارىپ، كۈدە كۆپ فەيدە آلەدىلەر.

* * *

كۈرەتلى اۋقەتۈۈچى!

- ۱- اوزوم فەيدەلىرى بارەسەدە سۈزلىگە.
- ۲- اوزوم باغلىرىگە اېگە بۈلگەن ولەيتلەر آتەنى تەختەگە يەزىپ، اۋقۈۈچىلەر نى تۈشۈنتۈرۈگە.
- ۳- اوزوم تاكىنى اۋستىرىش يۈللىرىنى اۋقۈۈچىلەرگە بىلدۈرۈگە.

عزیز اوقوچیلر!

- ۱- هر بير اوقوچى اؤرنیدن توريب، اوزوم فايدهلرينى باشقه لرگه ايتسين.
- ۲- قويده گى هر بير سؤز بيلن گپ توزينگ:
- اوزوم، مزهلى، باغدارچيليك، تاك، كوز، فايده.
- ۳- بير نېچه تور اوزوم نينگ آتيني ايتينگ.
- ۴- اوزوم دن قندهى فايده آينه دى؟

سېنش:

- ۱- اوقوچيلر، اوزوم باره سيده معلومات بېره آله ديلىمى؟
- ۲- اوقوچيلر، اوزوم دن فايده لنيش يول لرى نى بېليپ ديلىمى؟
- ۳- اوزوم باغيني كؤركم لشتيريش يول لرى نى بېليپ ديلىمى؟

اوى تاپشيريغى:

اوزوم فايدهلرينى دفترلرينگيزگه يازيب كېلينگ.

اۆتیز اوچینچی درس

هدف: کیشی لر و نرسه لر نینگ ایش حالتی نی، "نیمه قیله دی؟" و "نیمه قیلدی؟" سؤراقلر آرقه لی بیلیش.

- ۱- دهقان نیمه ایش قیله دی؟
- ۲- چۆپانلر نیمه ایش قیله دیلر؟
- ۳- اۆقوچیلر نیمه ایش قیلدیلر؟
- ۴- سیز نیمه ایش قیله سیز؟



ایشچی عایله

سنجر بیلن ارسلان ایگگی اینی- آغه دیلرلر. سنجر، ارسلان نینگ اکه سی بولیب، ایکاولری بیر- بیرلری بیلن دایم یاردم لشه دیلر. سنجر یپرینی بیل بیلن آغدرگن چاغده، ارسلان یپریننگ اجریق لرینی تهره دی. سنجر هؤکیزلرنی آلیب، قوش هیده گنی کپتسه، ارسلان هؤکیزلرگه اؤت اؤریب قویه دی. ارسلان اۆقوچی دیر. سنجر، ارسلان گه مکتب اوچون کهرهک بؤلگن نرسه لرینی ساتیب آلیب بهره دی.

آنەلری هم دايم اولر بيلن ياردم لشه دی. آتەلری ايسه بير کەكسه چال دير. او، دهقانچيليك ايش لريده سنجر و ارسلان گە يول - يوريق كورستيب توره دی.

حرمتلی اوقيتووچی!

- ۱- نيمه قيله دی؟ نيمه قيلهی؟ نيمه قيلدی؟ نيمه قيلماقچی؟ نيمه قيله سيز؟
کبی سؤراق لر بيلن سؤراق گپلر نی توزيب، اوقووچيلر دن جوابینی ايستنگ.
- ۲- يوقاریدهگی متنندن سؤراق گپلرنی توزيب، اوقووچيلردن جوابینی سؤرهنگ.

عزيز اوقووچيلر!

- ۱- قويدهگی سؤراق لرگه جواب بېرينگ:
- اوردک سوو ده نيمه قيله دی؟
- بالەلر مکتب ده نيمه قيله ديلر؟
- قلم بيلن نيمه ايش قيله سيز؟
- تیکووچی نيمه قيله دی؟
- نجار نيمه قيله دی؟
- ۲- قويدهگی گپلرينگ بوش يېرلرينی، مناسب سؤزلر بيلن تولديرينگ:
- نگیز نيمه ايش قيله دی؟ - آتە م قيله دی.
- سيزلر قچان اويقو گە کپته سيزلر؟
- بيزلر ساعت توقیزده گە کپته ميز.
- مېن آتەم گە دهقانچيليك ايشلری ده بېره من.

سینش:

- ۱- اوقووچيلر، کیشی لرونسەلر نینگ ايش حالتینی بيليب ديلرمی؟
- ۲- اوقووچيلر، "نيمه قيله دی؟" و "نيمه قيلدی؟" سؤزلر بيلن سؤراق گپلرنی توزه آله ديلرمی؟

اوی تاپشيريغی:

هر بير اوقووچی بېشته سؤراق گپنی، "نيمه قيلدی؟" و "نيمه قيله دی؟". سؤراق سؤزلری بيلن توزيب، دفترليگه يازيب کېلسين.

اۆتیز تۆرتینچی درس

هدف: ياردملشيش بىلن قىزىقىش، اۆيلىب ايش قىلىش و كۆپلىك كوچىگە ايشانىش
فايده لرىنى بىلىش.

- ۱- اۆيلىمى قىلىنگن ايش نتيجه سى بارهسىده سۆزلنگ؟
- ۲- حشر آرقەلى بجرىلهديگن ايش بارهسىده آتەلرسۆزىدن بىلسنگىز، ايتىنگ.



آق كفتەر

بىر خىل كفتەر آسمانگە جولان اوريپ، سلقىن هوا ده، دلەلر و اۋرمانلر ده اپركين
اوچىپ يورگن اپدىلر. چرچب قالگنلرىده بىركتە درخت نىنگ اوستىگە قوندىلر.
درخت آستىده بىر آوچى توزاق قۇيىپ، دان سېپىپ قۇيگن اپدى. كفتەرلر، دان نى
كۆرىپ، درختدن اپندىلر. دان يېمىز دېپ، توزاققە ايلىندىلر.
كفتەرلرنىنگ خىلىده بىر آق كفتەر بار اپدى. بوكفتەر كۆپ سېزگىر اپدى. اورتاق
لرىنى قىچقىرىپ، ايتدى:

"اورتاقلر، ایلگری راق، بویخشی دان نیمه اوچون بو پیرگه تشلنگن لیگینی
آزگینه اویلهسک، بویلاگه یولایقمس ایدیک. حاضر هم یخشی راق اویلب، بیر-
بیریمیز بیلن یاردملشسک، شو حالت دن قوتیله آلهمیز. حاضر بیر لحظه دم آلینگلر،
سؤنگ مېنینگ بو یروغیمگه قره ب، ایش قیلینگلر."

آوچی، توزاققه توشگن کفترلرنی کوریب، آماقچی بولیب، یوگوردی. آق کفتر
باشقه کفترلرگه ایتدی: "بیر دنیگه بار کوچینگیز بیلن هواگه اوچینگلر!"

کفترلر کوچلری باریچه هواگه اوچدیلر. آوچی، کفترلر بیر لحظه دن سؤنگ
چرچب، ینه پیرگه قؤنه دیلر دېب، توردی؛ لېکن کفترلر کوچلری باریچه اوچیب،
آوچی نینگ کوزیدن غایب بولدیلر. آق کفتر، کفترلر خیلینی بیر اریق بویگه
توشیردی. او پیرده قدیم دن آق کفترنینگ بیر سیچقان اورتاغی یشر ایدی. سیچقان،
کفترلر قناتی سېسی نی اېشیتیب، تشقیرگه چیقدی. قره سه، آق کفتر و اونینگ
اورتاقلری توزاققه ایلینگن دیرلر. سیچقان کېلیب، سلام لشیب، آق کفتر توزاغی ایپی
نی قیرقیب باشله دی.

آق کفتر ایتدی: مېندن ایلگری اورتاقلریم نینگ آياق لرینی بؤشت، سؤنگ
مېنینگ آلدیمگه کېل.

سیچقان، برچه کفترلر آياغینی توزاقدن بؤشتدی. آخرچاغده اورتاغی، آق کفترنی
قوتقردی. کفترلر توزاقدن قوتیلیب، سیچقان دن کؤپ تشکرلر قیلیب، قووانیب
کؤککه قره ب اوچدیلر. بوندن سؤنگ، توزاق نی کورمه ی، دانه گه الدنمس لیککه
و دایم اویلب ایش قیلیشگه عهد قیلدیلر.

حرمتلى اوقيتوچى!

- ۱- حكايه فايده سىنى اوقوچىلرگه ايتىنگ.
- ۲- بىرلىك و ياردم لىشيش باره سىده معلومات بېرىنگ.
- ۳- باشقه شوندهى حكايه بىلسنگىز، اوقوچىلرگه ايتىپ بېرىنگ.

عزيز اوقوچىلر!

- ۱- قويدهگى حرفلر نىنگ هر بىرى بىلن آيرى- آيرى سۆزلر توزىنگ:
چ، ف، ل، ك، م، ن، ع، غ، و.
- ۲- قويدهگى هر بىر سۆز بىلن گپ توزىنگ:
اېركىن، قىزىق، اوچى، آلماقچى، اورتاق، اىپ، توزاق.
- ۳- نىمه قىله دى؟، نىمه قىلدى؟، نىمه قىلماقچى؟ سؤراقلر بىلن نېچە سؤراق گپ توزىنگ.

سىنىش:

- ۱- اوقوچىلر، بىرلىك و ياردم لىشيش باره سىده معلومات بېره آله دىلرمى؟
- ۲- اوقوچىلر، قىيىن چىلىكلرده اويىل ايش قىلىشنى بىلىپ دىلرمى؟
- ۳- اوقوچىلر، آق كفتىر حكايه سى نتيجه سىنى بىلىپ دىلرمى؟

اوى تاپشيريغى:

قويدهگى گپ نى كتابچەلر نىنگىزگه يازىنگ:

كفتىرلر توزاقدن قوتىلىپ، سىچقاندىن كۆپ تشكرلر قىلىپ، قىوانىپ كۆككە قرەب اوچدىلر. بوندن سۆنگ توزاقتى كۆرمەى، دانهگە الدنمىسلىككە و دايم اويىل ايش قىلىشكە عەھد قىلدىلر.

اوتیز بېشینچی درس

هدف: دهقانچیلیک باره سیده معلومات تاپیش، دهقان نی قدرلش و محنت لړینی بهالب، حرمت اېتیش.

- ۱- دهقانچیلیک باره سیده معلومات بېره آله سیزمی؟
- ۲- دهقانچیلیک اسباب لری باره سیده معلومات بېرینگ.
- ۳- بوغدای باره سیده معلومات بېره آله سیزمی؟



دهقان

دایم محنت چېکر دهقان	بوغدای، ارپه اېکر دهقان
شوق بیلن ایش قیلر دهقان	آباد بولسین اولکه میز دېب
کنجد- زغیر سپر دهقان	هارگیننی بیلمه ی مدام
تینمه ی پخته تېرر دهقان	بېلینی محکم باغله بان

اۋز ایشیگه کپتر دهقان

کۆرسک همېشه اپرته لب

دايم محنت قیلر دهقان

اولوس نینگ راحتی اوچون

داکتر عبدالسلام آثم

حرمتلی اوقیتوۋچی!

- ۱- دهقانچیلیک باره سیده قیسقه معلومات بېرىنگ.
- ۲- دهقان باره سیده معلومات بېرىپ، اولکه ميز نینگ كۆپ اھالیسى دهقانچیلیک ایشلری بیلن شغل لنگن لیکلرینی بیلدیرسین.
- ۳- اوقوۋچیلرنی تۈپلپ، دهقان باره سیده ایتیلگن شعرنی اوقیتتیرنگ.

عزیز اوقوۋچیلر!

- ۱- اولکه میزده اپکیله دیگن نرسه لر آتینی ایتینگ.
 - ۲- دهقانچیلیک باره سیده قیسقه بیر مطلب یازینگ.
 - ۳- قوییده گی هریرسۆز بیلن گپ توزینگ:
- بوغداي، ارپه، محنت، نېچه، دهقان، محکم

سینش:

- ۱- اوقوۋچیلر، دهقان باره سیده معلومات بېره آله دیلرمی؟
- ۲- اوقوۋچیلر، دهقان شعرینی اوقی آله دیلرمی؟

اوی تاپشیریغی:

دهقان شعرینی کتابچه لرینگیزگه یازیب کپلینگ.

اۆتیز آلتینچی درس

هدف: کیشی لر و نرسه لر نینگ صفتینی بیلش و گپلرده ایشلتیش.

- ۱- توز نینگ مزه سی شۆر، شکر نینگ مزه سی قندهی دیر؟
- ۲- کوندوز یاختی، کبچه قندهی دیر؟
- ۳- قتیق قویوق، سوت قندهی دیر؟
- ۴- پخته یومشاق، تاش قندهی دیر؟
- ۵- قار نینگ رنگی آق، کومیر نینگ رنگی قندهی دیر؟



صفت: نرسه لر بېلگی سی نی بیلدیروچی سۆزلر تورکومی، صفت دېيله دی.

کوز فصلی

اېلمراد، ذهنلی اۆقوۋچیلردن دیر. هر نرسه باره سیده آته سی آقمرادبای دن سۆرهیدی. آقمرادبای کۆپ معلوماتلی کیشی دیر. کوز فصلی اېدی. بیرکون اېلمراد، آته سی بیلن سېکین- سېکین باغچه لریده یورر اېدیله. قره سه لر، درختلر نینگ پیراغی سرغه ییب، درختلر آستیکه توشیب، گۆزل منظره نی

يرەتگن اپکن.

اېلمراد، آتە سیدن کوز فصلی بارەسیدە سۆرە دی. آتە سی ایتدی: میزان،
عقرب و قوس، کوز فصلی نینگ آیلىرى دیر. شو فصلده درختلر نینگ پیراغى سې-
سریغ بولیب، كۆپ چیرایلى كۆرینه دی. بیر خیل قوشلر ایسیق جایلر گە كۆچە
دیلر. دهقانلر حاصل نى تۇپلې، قیش آذوقە سینی ییغە دیلر. كېلە جک نى اۆیلە-
گن چۆپانلر پخاللرنى ییغیب، قۇىلرى نینگ قیش لیک یېمى اوچون اسرەیدیلر.
کوز شمالى گوریللب، هرتاماندىن اېسەدى. درختلر پیراغى پیرگە توشەدى و برچە
آدملر قیش آذوقە سینی ساتیب آلیب، ییغە دیلر.

* * *

حرمتلى اوقیتوچى!

- ۱- كیشىلر و نرسەلر نینگ صفتینی اوقوچیلرگە بیلدیرینگ.
- ۲- كیشىلر و نرسەلر بارەسیدە نېچە گپ توزیب، صفتى نى اوقوچیلردن سۆرەنگ.
- ۳- کوز بارەسیدە اوقوچیلرگە معلومات بېرىنگ.

عزيز اوقوچیلر!

- ۱- قوییدەگى سؤراقلرگە جواب بېرىنگ:
 - اېلمراد قندەى اوقوچى دیر؟
 - آقمرادباى قندەى كیشى دیر؟
 - کوز فصلیدە درختلر پیراغى قندەى بۆلە دی؟
 - چۆپانلر پخاللرنى نیمە اوچون ییغە دیلر؟
 - کوز فصلی دە بیر خیل قوشلر قندەى یېرلرگە كۆچە دیلر؟
- ۲- قوییدەگى گپ لردە صفتلرنى كۆرسەتینگ:
 - آق پختە، سريغ پیلە، تازه هوا، تېنىق سوو، يومشاق يونگ.

سینش:

- ۱- اوقوچیلر، کیشی لر و نرسهلر نینگ صفتینی بیلیب دیلرمی؟
- ۲- اوقوچیلر، گپلرده صفت نی ایشلته آله دیلرمی؟
- ۳- اوقوچیلر، کوز فصلی باره سیده سؤزله ی آله دیلرمی؟

اوی تاپشیریغی:

کوز فصلی درسینی کتابچهلر نینگیزگه یازیب، صفتلر نی متندن چیقریب، علیحده یازیب کپلینگ.

اۆتیز يېتىنچى درس

ھەدەف: طعام يېپىش آدابى نى بىلىش و پاكيژەلىك گە قىزىقىش.

۱- طعام يېپىش دن آلدین نېمە ایش قىلەسىز؟

۲- يېمەك دن آلدین نېمە نى اوقىيسىز؟

۳- يېمەك نى قىسى قۇلىنگىز بىلن يېپىسىز؟



طعام يېپىش آدابى

يۇلداش نېنگ آنە سى طعام نى دسترخوان اوستىگە قۇيدى. يۇلداش،
"بسم الله" دېمەي و قۇلىنى يۇومەي طعام يېماققە باشلەدى. يۇلداش نېنگ آتە
سى، اونىنگ قۇلىنى تۇتىپ ايتدى:

"يۇلداش جان، طعام يېماقدن آلدین قۇل لرنى يۇويش كېرەك. اوندن سۇنگ
دسترخوان اطرافىگە اۆلتىرىپ، "بسم الله الرحمن الرحيم" دېپ، طعام نى يېپىلىك.
ھركىم اۆز آلدیدن و طبق نېنگ بىر چېكە سىدن يېپىش كېرەك.

طبق نینگ اۋرتە سى يا باشقەر تامانىگە قۇل اوزەتەش، كۈتە- كۈتە لقمە آلىش، اويان- بويانگە قرەش، طعام يېماق آداب لىرىدىن اېمىس. طعام يېشى چاغىدە يۇتل ويا عطسە توتسە، يوزىمىز نى آرقە مىزگە قرەتەشىمىز يا رۇمالچە بىلن قۇلىمىزنى آغزىمىزگە توتەشىمىز كېرەك. طعامنى يېپ بۇلگەندىن سۇنگ، "الحمد لله" دېپ، قۇل و آغزىمىز نى يويىپ، ساقچى (دستپاك) بىلن ارەتەشىمىز كېرەك دىر. يۇلداش، بوندىن سۇنگ آتە سى نىنگ ايتگن سۇزلىگە عمل قىلىشگە سۇز بېردى.

* * *

حرمتلى اوقۇتۇچى!

- ۱- اوقۇچىلرگە طعام يېماق آدابىنى ايتىپ بېرىنگ.
- ۲- صابون بىلن قۇللرنى يويىش فايده سىنى اوقۇچىلرگە بىلدىرىنگ.
- ۳- اوقۇچىلرگە پاكلىك و تازەلىك فايدهلىرىنى بىلدىرىپ، پاكىزەلىككە یشش یشلىگىنى توشۇتۇرىنگ.

عزيز اوقۇچىلر!

- ۱- طعام يېشى آدابىنى ايتىنگ.
- ۲- قويدەگى سۇزلىرىنگ ھر بىرىسى بىلن گپ توزىنگ:
- نان، يېمەك، طبق، يۇتل، كۈتە- كۈتە، يويىش.
- ۳- قويدەگى گپلىرىنگ بۇش جايلرىنى تولدۇرىنگ:
- طعام يېماقدىن آلدىن اوندىن سۇنگ اۋلتىرىپ، دېپ، طعام يېشى، ھر كىم يېشى كېرەك دىر.
- ۴- مىتەندىن نېچە صفت نى تاپىپ، كىتابچە لىرىنگىزگە يازىنگ.

سېنىش:

۱- اۋقوۋچىلار، طعام يېش آدائىنى بىلىپ دىلرمى؟

۲- اۋقوۋچىلار، پاكلىك بىلن قىزىقىپ دىلرمى؟

اوى تاپشيريغى:

قويدهگى گېنى دفترلرينگىزگە يازىنگ:

طعامنى يېپ بۇلگىدن سۇنگ "الحمد لله" دېپ، قۇل و آغىزىمىزنى يويۇپ، و ساقچىق (دستپاك) بىلن

ارىتېشىمىز كېرەك دىر.

اوتیز سگیزینچی درس

هدف: هرکیم اوز حقیگه قانع بولیشی، حرص و قناعت سیزلیک ضرر لرینی بیلیشی.

- ۱- اچیغلنیش دېب، نیمه نی ایته دیلر؟ شوباره ده سوزلنگ.
- ۲- صنفلرینگیزده قیسی اوقوچی چوچوک (شیرین) سوزلی دیر؟
- ۳- اچیغلنیش نینگ فایده سی بارمی؟
- ۴- خرما درختی، نیمه حاصل بېره دی؟



اچیغلنیش ضرر لری

افراسیاب، اوز اوی نینگ باغچه سیده خرما نهال لرینی اېککن اېدی. آی لر و ییل لر محنت چېککندن سونگ، خرما نهال لری کته- کته درخت بولیب، حاصل بېره باشله دی. شو خرما درخت لر قطاریده بیر خرما درختی کؤپراق اوسیب، باشقه خرما درخت لر دن کؤره کؤپراق حاصل بېرر اېدی. افراسیاب شو خرما درختگه کؤپراق قره ب، اونی سېویب، آتینی صنوبر قویگن اېدی. صنوبر خرما درختی تورت ییل

یخشی حاصل بېریب، یشنب توردی. کونلردن بیرکونی هېچ نیمه بؤلمه‌ی توریب،
درخت اوز-اوزیدن اچیغلب، بینگ-بینگلب ایتدی:

- شونداق سېر حاصل لیک یوره گېم نی آلییدی. بوندن بویان خرما حاصل بېرگیم
کېلمه یدی. افراسیاب گه حاصل بېرگیم نینگ مېنگه نیمه فایده سی بار؟
افراسیاب خفه بؤلسه بؤلسین، دېب، نېچه ییل صنوبر درخت حاصل بېرمه‌ی
قویدی. آخر ده، افراسیاب نینگ امیدی صنوبر خرما درختی دن اوزیلیب، صنوبر
خرما درختی تویدن ارّه لماقچی بولدی.

بیر کونی تامینی یاپماقچی ابدی، بیر بالار کملیک قیلدی. شونده او، ارّه نی
آلیب، صنوبر آتلی خرما درختی نی تویدن ارّه له دی. صنوبر خرما درختی تاووشی
باریچه قیچقیریپ ییغلب، افراسیابگه یلیندی؛ بیراق افراسیاب اونینگ ییغله گنیگه
قولاق سالمه‌ی، تویدن قیرقیب تشلب، تامیگه بالار قیلدی.

* * *

حرمتلی اوقیتووچی!

- ۱- خرما درختی باره‌سیده سوزلب، نېچه دانه خرما نی صنفگه کېلتیریپ، اوقووچیلرگه
کورستینگ.
- ۲- اچیغلنیش ضررلری باره‌سیده سوزلنگ.
- ۳- ینگى سوزلر نی تخته‌گه یازیپ، اوقووچیلرگه بیلدیرینگ.

عزیز اۆقوچیلر!

- ۱- خرما درخت حکایه سینی هر اۆقوچی علیحده ایتسین.
- ۲- اچیلغیش ضررلرینی کتابچه لرینگیزگه یازینگ.
- ۳- قوییده گی سۆزلرینگی هر قیسی سی بیلن بیرگپ یازینگ:
باغچه، حاصل، ییل، اچینگ، توب، اره، بالار.

سینش:

- ۱- اۆقوچیلر، اچیلغیش ضررلرینی بیلپ دیلمی؟
- ۲- هر بیر اۆقوچی صنوبر خرما درختی حکایه سینی ایته آله دیمی؟

اوی تاپشیریغی:

اۆقوچیلر، یوقاریده گی متن نینگ نتیجه سی باره سیده نهچه گپ دفترلریگه یازیب کپلسینلر.

اوتیز توقیزینچی درس

هدف: کبلیشیک قوشیمچه لرینی بیلش و گپلرده ایشله تیش.

قوییده گی سؤراقلرده "نی، گه، ده، نینگ، دن" قوشیمچه لر ایشله تیلگن. سیز، کپره کلی جواب نی بپرینگ:

- ۱- قه پیردن کپله یاتیپ سیز؟
- ۲- قیپرگه باره سیز؟
- ۳- قیپرده یشیپ سیز؟
- ۴- کیم نینگ کتابی پؤش قیلینگن دیر؟
- ۵- قیپرلر نی کورگن سیز؟



اوغلاق

اوغلاق اوینی اوتگن زمانلردن قالگن طنطنه لی ملی اوین لریمیزدن دیر. اینیقسه افغانستان نینگ شمال ولایت لریده قیزیقرلی اوغلاق چاپیش اوینی اؤتکزله دی. بای کیشی لریخشی آتلرنی اسرهب، آتلر گه قرهش اوچون بیر کیشی نی مقرر قیله دیلر.

آت باقووچی کیشی گه "سه ییس" دپيله دی. سه ییس آتلرنی باقیب، اوغلاق چاپیش گه تیارکیدى.

اوغلاق اوینی کۆپ قیزىق بۆله دی. اوغلاق اوینی باشلەنیشی دن آلدین کته میدانده بیر دایره چیزه دیلر. بو دایره نی "جور" (حلال دایره سی) دپدیلر. شو دایره دن تخمین بپش یوز متر اوزاق راقده بیر بیراق نی یپرگه قدهب قۆیه دیلر. اوندن سۆنگ، اوغلاقچی لر ایکی گروپگه بۆلینیب، اوغلاق چا پیش گه باشلە یدیله. جوردن اوغلاق نی کۆتریب "تقیم" گه آلیب، آتنی چاپتیریپ، بیراقدن ایلنتیره دیلر. اوغلاق نی بیراق دن ایلنتیرگن اوغلاقچی گه حکم تامانیدن بیر نمره بپريله دی. اگر اوغلاقچی، اوغلاق نی کپلتیریپ، جورگه تشلسه، ایکی نمره بپريله دی. شو اساسده نمره لر سنه لیپ، حکم لر تامانیدن آخر چاغده یوتگن گروپ اعلان بۆلیپ، اونگه جایزه بپريله دی. شو بیلن اوغلاق اوینی اوز اداغیگه یپته دی.

* * *

حرمتلی او قیتووچی!

- ۱- اوغلاق اوینی باره سیده او قووچیلرگه معلومات بپرینگ.
- ۲- شو متن ده ایشلەتیلگن کپلیشیک قۆشیمچه لرینی کۆرستینگ.
- ۳- نهچی ته کپلیشیک قۆشیمچه لری ایشلەتیلگن کپلرنی تخته گه یازیپ، او قووچیلرگه بیلدیرینگ.

عزيز اوقوچيلر!

- ۱- متندهگى كېلىشىك قوشىمچەلرىنى كۆرسىتىنگ.
- ۲- قويىدەگى گپلردە كېلىشىك قوشىمچەلرىنى اوز اورنىگە قويىنگ:
- بېكتاش، آتە سى حرمت قىلدەدى.
- بابىر اكە سى مغازە بوت ساتىب آلدى.
- كرىم، كتاب سېۋەدى.
- احمد، اۆتگن كونى مزار شريف كېلدى.
- شريفە، ساعت اۆن مكتب كېتە دى.

سېنىش:

- ۱- اوقوچيلر، كېلىشىك قوشىمچەلرىنى يىلىب دىلرمى؟
- ۲- اوقوچيلر، اۋغلاق چاپىش اۋيىنى بارەسىدە معلومات تاپىب دىلرمى؟

اوى تاپشيريغى:

كېلىشىك قوشىمچەلرى بىلن سىڭىز تە گپ توزىب، دفترلىرىڭىزگە يازىب كېلىنگ.

قىرقىنچى درس

ھەد: عمارت قورۇش بارەسىدە قىسقا مەلۇمات تاپىش، عمارت قورۇش گە كېرەكلى نەرسە

لەرنى بېلىش.

۱- سىز عايلەنگىز بىلەن قەندەي عمارت دە يىشەيسىز؟

۲- عمارتىنگىز دە ایشلەتەلگەن نەسلەر آتەنى ایتەنگ؟

۳- قىشلاغىنگىز دە قەندەي عمارت لەر قورۇلگەن دەر؟



عمارە

بىرىنچى درس ساعەتى باشلەنگەن اېدى. اوقىتۇوچىمىز ینگى درسنى باشلەگەندە،

مۇھەممەد اكرەم اۋرەندەن تۇرىپ، اوقىتۇوچىمىزگە ایتەدى: مەلەم ساحب، سىزدەن بىر ایش

بارەسىدە سۋرەماقچى مەن. اوقىتۇوچىمىز ایتەدى:

- سۋراغىنگ ینگى درس بارەسىدە مى؟

- مۇھەممەد اكرەم ایتەدى: يۇق، درس بارەسىدە اېمەس.

- اوقىتۇوچىمىز ایتەدى: سۋراغىنگ درسەن تشقىرى بۇلسە، تەفرىح وقىتەدە سۋرە.

اوقیتووچیمیز، درسنى باشله‌دی. درس، ادا غیگه ییتگندن سؤنگ، تفریح زنگی اوریلدی. تفریح وقتیده اوقیتووچیمیز محمداکرم دن سؤره‌دی: محمد اکرم، ایندی سؤراغینگ نی سؤره.

محمد اکرم ایتدی: مېنینگ آتم، بیر عمارت قورماقچی. عمارت گه کپره‌کلی نرسه‌لر آتینی ایتیب، نقشه سینی چیزیب بېرسنگیز، ممنون بؤلر اېدیک.

اوقیتووچیمیز، محمداکرم گه ایتدی: عمارت نینگ نقشه سینی عمارت مهندسى چیزه‌دی. اکهم نینگ اؤغلى، مهندس دیر. کپل، ایکاویمیز اونینگ آلدیگه باریب، اونگه عمارت قوريله‌دیگن جانی کورستمیز، یپر موقعیتی نی کورگندن سؤنگ عمارت نقشه سینی چیزیب بېریشینی ایسته‌یمیز.

محمداکرم، اوقیتووچی سیگه منتدارچیلیک بیلدیریب، آته سیگه اوقیتووچی نینگ ایتگن گپلرینی ایتدی. محمد اکرم نینگ آته سی هم بوگپ دن قووانیب، ابرته‌سی مهندس نی عمارت قوريله‌دیگن جایگه آلیب باردی.

مهندس، جانی کؤریب، اوندن سؤنگ عمارت نقشه سینی چیزیب بېردی. محمد اکرم نینگ آته سی خال محمد اکه، معمار آلیب کېلدى. معمار، نقشه نی کؤریب، قوییده‌گی کپره‌کلی نرسه‌لر نینگ کپلتیریلیشى نی خال محمد اکه گه ایتدی: پیشیق خشت، تاش، سمنت، آهک، گچ، بالار، اېشیک، شیشه، دېره‌زه، قُم، قیرچیق، توپراق، برق سیمی، میخ، چپراستی، ساکت، سیویچ، بویاقلر (رنگلر)، دستگیر، قلفک و باشقه کپره‌کلی نرسه‌لر.

خال محمد اکه، برچه کپره‌کلی نرسه‌لر نی تیارلدى. معمار ایش نی باشله‌دی و ایگى آی آره‌سیده بیر چیرایلی عمارت قوردی. عمارت قوریلگن دن سؤنگ،

خال محمد اكه عايله اعضالى بيلن ينگى قوريلگن عمارت گه كوچىب كېلدلر و
قوانىب يشەى باشلەدىلر.

* * *

حرمتلى اوقيتوچى!

- ۱- يىخشى عمارت بارەسىدە اوقوچىلر سويەسىگە يرهشە سۆزلەنگ.
- ۲- عمارت صحىدە بىر چىرايلى باغچە يرهتەش فايدە سى بارەسىدە سۆزلەنگ.
- ۳- عمارت گە كېرەكلى نرسەلەرنىڭ آتى نى اوقوچىلرگە بىلدۈرىنگ.

عزيز اوقوچىلر!

- ۱- آشخانى و تىناب گە كېرەكلى نرسەلەرنىڭ آتىنى دىتەرلەرنىڭ گە يازىنگلر.
 - ۲- مىتەن كېلىشىك قوشىمچەلرى بارگېلر نى تاپىب يازىنگ.
 - ۳- قويدەگى ھىر سۆز بىلەن جملە تۈزىنگ:
- عمارەت، يىنگى، تفرىح، نەشە، مەمار، تاش.

سېنىش:

- ۱- اوقوچىلر، يىخشى عمارەت بارەسىدە سۆزلەى آلەدىلرمى؟
- ۲- اوقوچىلر، عمارەت قورىش اوچون كېرەكلى نرسەلەر آتىنى آيتە آلەدىلرمى؟

اوى تاپشىرىغى:

مىتەنە كېلىشىك قوشىمچەلرى بارگېلر نى دىتەرلەرنىڭ گە يازىب كېلىنگ.

قىرىق بىرىنچى درس

ھەدەف: مەھبەت ۋە دۋستلىك بارەسىدە مەلۇمات تاپىش ۋە پىغمبىرىمىز ھىزىرت مۇھەممەد (س) مەھبەتى نى اۋقۇۋچىلەر يۈرەگىدە كۆپەيتىرىش.

۱- سىز، كىم نى يەخشى كۆرەسىز؟

۲- پىغمبىرىمىز ھىزىرت مۇھەممەد (س) تۇغرىسىدە سۆزلەي آلەسىزمى؟

۳- سەھابەلەر دەپ، كىملەرنى ایتەدیلەر؟



سۈۋسەگەن كىشى

تېۋەسى چەرچەب، كارۋان دىن كېيىن قالگەن اېدى . ھەر قەنچە تېۋەسىنى ھىدەدى، تېۋەسى يۈرەككە دى . چارەسىز بۇلىپ، يۈكلىرى نى ارقەسىگە كۆتۈرۈپ، پىيادە يۈرەباشلەدى . ھۈا قىزىگەن تېمىر دېكە ايسىق اېدى . سۈۋسەب، چەرچەب، كۈچ سىز بۇلگەن اېدى . آزگىنە دىم آلدى . تېرلىرى اينجۇدېك يۈزىدىن آقىپ، بىدىنى آياغىگە

آغیرلیک قیلیب، استه-سپکین یوریب بارراپدی؛ لېکن برچه قیین چیلیکلرگه چیده، صبر بیلن دشتلر و تاغ و تاشلرنی گېزدی. بوتون ایستگی پیغمبریمیز و کاروانگه یتیب، قوشیلش ایدی.

پیغمبریمیز، صحابه‌لر کاروانی بیلن، روملیکلر قشوننی نینگ دَمینی قَتریش اوچون شام تامانیگه حرکت قیلگن ایدیلر. اوشه زمانده، آسمانده قرا بولوت کۆریندی. او، اوشه یاققه کپته بپردی. بیرتاش نینگ چوقوریگه آزراق ساووق و تینیق سوو پیغیلگن جایگه یتیشدی. نېچه قولتیم سوو ایچگندن کپین، یوره‌گیگه بیر گپ کپچیب، سوو ایچیش دن قول تارتدی. مېشینی سوودن تولدیریب، آرقه‌سیگه کۆتریب یوره‌باشله‌دی. کۆپ چرچه‌گن بۆلسه هم، صبر و چیدم بیلن چوقورلر وتپه‌لردن اۆتیب بارراپدی. اوزاقدن کۆزی لشکرگه توشدی. وجودیگه ینگى بیرکوچ تاپیلیب، کۆپ قووانیب کپتدی. کۆزیدن قووانچ یاشی آقیب، کۆزینی لشکر قاره‌سیدن اییرمه‌ی، ایلدم-ایلدم قدم باسدى.

صحابه‌لر، اۆزلری تامان یاووقلشیب کپله یاتگن بیر قرا نرسه نی اوزاقدن کۆردیلر. صحابه‌لر، حضرت محمد (ص) گه ایتدیلر: اگر ابوذر (رض) بۆلسه، قنچه یخشی بۆلردی.

قاره نرسه یاووقلشدى. بیرکیشى لشکر ایچیدن قیچقیردی: آهای! تۆغری دن هم ابوذر نینگ اۆزی دیر.

پیغمبریمیز نینگ اۆزلری، ابوذر (رض) نی کوتیب آلدیلر. آرقه‌سیدن یوک‌لرینی توشیرگندن سۆنگ، ابوذر (رض) حالسیز، ییرگه یېقىلدى. پیغمبریمیز ایتدیلر: ابوذر کۆپ سووسه‌گن دیر، اونگه سوو بېرىنگلر.

ابوذر (رض)، آهسته تاووش بیلن ایتدی: یوق، مېنده سوو بار.

پیغمبریمیز آیتدیلر: سووینگ بار بؤلسه، نیمه اوچون ایچمه دینگ؟
 ابوذر (رض) ایتدی: یا رسول الله! آتہ- آنہم سیزگہ فدا بؤلسین. بیرتاش نینگ
 چوقوریدہ ساووق سوو تاپدیم. آزگینہ ایچگن ایدیم. شوندہ سیز اہسیمگہ کبلدینگیز.
 اوزیمگہ: "تا حبیبیم رسول الله شو سوو دن ایچمہ سہلر، مہن ہم ایچمہ یمن." دہب،
 عہد قیلدیم.

* * *

حرمتلی اوقیتوچی!

- ۱- پیغمبریمیز، حضرت محمد (ص) بارہ سیدہ اوقوچیلا سویہ سیگہ یرہ شہ سۆزلنگ.
- ۲- یوقاریدہ گی حکایہ نی اوقیب، نتیجہ سینى اوقوچیلا بیلدیرینگ.
- ۳- ابوذر غفاری (رض) بارہ سیدہ قیسقہ معلومات بپرینگ.

عزیز اوقوچیلا!

- ۱- یوقاریدہ گی متن دن کبلیشیک قوشمچہلری بار سۆزلرنی دفترلرینگیزگہ یازینگ.
- ۲- قوییدہ گی سۆزلرینگ هر قیسی سی دن گپ توزینگ:
- حضرت محمد (ص)، صحابه، تہمیر، کوچ، دشتلر، تہوہ، تاش.
- ۳- قوییدہ گی گپلرینگ بؤش جای لرنی تولدیرینگ:
- تہوہ سی چرچب
- هر قنچہ تہوہ سینى ھیدہ دی
- ھوا قیزینگن تہمیردہک
- بوتون ایستہ گی

سینش:

- ۱- اۇقۇچىلار، پىغمبىرىمىز بارەسىدە مەلۇمات بېرە آلە دىلرمى؟
- ۲- اۇقۇچىلار، پىغمبىرىمىز گە قندەى حرمت قىلىش حەقيدە مەلۇمات بېرە آلە دىلرمى؟
- ۳- اۇقۇچىلار، حەكايە نىنگ نەتىجە سىنى بىلىپ دىلرمى؟

اوى تاپشيريغى:

حەكايە مەتنى دن كېلىشىك قوشىمچەلرى بار گپلرنى دفتىرلىنگىزگە يازىپ كېلىنگ.

قىرق ايگىنچى درس

ھەد: اۋرمان(جنگل) فايدهلرینی بېلىش و اوندىن توغرى فايدهلنىش.

- ۱- پسته اۋرمانى بارهسیده سۆزلەي آلەسىزمى؟
- ۲- اۋرمانلر، اولكەمىز نىنگ قىسى ولايتلریده كۆپراق دىر؟
- ۳- اۋرمانلرنى اسرەش بارهسیده سۆزلەي آلەسىزمى؟



اۋرمان فايدهلرى

اۋرمانلر اولكەمىزگە كۆركەملىك و تازەلىك كېلتىرەدى. آب و ھوانى سلقىنلىتىپ، قوروقلىگىنى ازەيتىرەدى. اۋرمانلى منطقەلر، ياز دە سلقىن و قىش دە ايسىق بۆلەدى. اۋرمانلر، قىشلاقلرنى توفانلر و سېللىرىنىڭ ضررلىرىدىن اسرەيدى. اۋرمانلر، تېگرەكەدەگى ھوانى صافلىپ، تازەلىدى. شو كىي، اۋرمانلر درختلرى نىنگ پىراغلرى، ضررلى گازلر، چىڭ و توپراقنى اۋزىگە تارتىپ آلىپ، اۋرنىگە تىنىق و تازە ھوانى چىقىرىپ، منطقەنى سلقىن و سۆلىم قىلەدى. بوندە ھوا، آدمىلر ساغلىغىگە كۆپ فايدهلى دىر.

اۋرمانلارنىڭ مېۋەسى پستە، جىلغوزە ۋە باشقەلەر دېر. اۋرمانلار، اولكە مىزىنىڭ اېنىڭ يىخىشى درآمد منبع لىرىدن حسابلىنەدى ۋە اولكەمىز نىڭ اقتصادى نى كۈچەيتىرەدى. شونىڭدېك، اۋرمان ياغاچلىرىدىن اېشىكلەر، اويگە كېرەكلى بۇلگن تورلى اسبابلەر، ەمدە عمارت اوستىنى ياپىش اوچون فايدهلىنەلى.

اولكەمىز اۋرمانلىرىنى اسرەب، ياغاچلىرىنى بېجا ۋە اياوسىز قىرقمىسلىگىمىز كېرەك. بىر درخت قورىگن پىتتە، باشقە بىر درخت اېكىش ضرور دېر. كۈمىر اوچون اۋرمانلار درختىنى قىرقىش ۋە اۋرمانلار اىچىدە اۋت ياقىش، خوفلى دېر. بىر كۈن كېلىب، بوتون اۋرمان درختلىرى يۇق بۇلىب كېتىشى يا يانىب تۈگەش مىمكن. شونىڭ اوچون، اۋرمانلارنى اسرەش، افغانستان دولتى ۋە ەربىرىمىزنىڭ مىسۋوليتىمىزگە كىرەلى.

حرمتلى اۋقۇتوۋچى!

- ۱- اۋرمانلار بارەسىدە مىلومات بېرىڭ.
- ۲- اۋرمانلاردىن قندەلى فايدهلىنىش نى اۋقۇوچىلەرگە بىلدىرىڭ.
- ۳- اۋرمانلار، اولكەمىز نىڭ قىسى ۋلايتلىرىدە كۇپراق بارلىگىنى اۋقۇوچىلەرگە بىلدىرىڭ.

عزيز اۋقۇوچىلەر!

- ۱- اۋرمان مېۋەلىرى نىڭ آتىنى دىفترلىرىڭىزگە يازىڭ.
- ۲- قۇيىدەگى ەربىر سۇز بىلەن گپ توزىڭ.
- اۋرمان، چىرايلى، پستە، كۈچ، يىراق، تازە، تۇپراق.

سېنش:

- ۱- اۋقوۋچىلر، اۋرمانلر بارەسىدە سۆزلەي آلەدىلرمى؟
- ۲- اۋقوۋچىلر، اۋرمانلرنى اسرەش بارەسىدە معلومات بېرە آلەدىلرمى؟

اوى تاپشيريغى:

اۋرمانلر نىنگ فايدهلرېنى دفترلرېنگىزگە يازىب كېلىنگ.

قیرق اوچینچی درس

هدف: دَرک (خبری) گپ لرنی تانیب آلیش و جمله لرده ایشله تیش.

- ۱- گپ، بیرار نرسه حقیده معلومات بېرسه، شو گپ، قندهی گپ دیر؟
- ۲- مېنینگ آته م تیکووچی دیر. شو جمله گه، آت قویه آله سیزمی؟
- ۳- آته نگ نیمه ایش قیله دی؟ شو گپ، قندهی گپ دیر؟
- ۴- بابر، مکتب گه بار. شو گپ گه آت قویینگ.

دَرک گپ لر (خبری جمله لر)



درک گپ لری

اوییمیز نینگ یانیدن بیر کتّه دریا دایم تؤولیب آقه دی. بو دریا نینگ سووی کۆپ تینیق و پاکیزه دیر. بو دریا ده بلیق لره م کۆپ بۆله دی. بلیقچی لر دریا دن بلیق توتیب، بازار گه آلیب باریب

ساته ديلر. پيشيريلگن بليق، كۆپ مزه لى بۆله دى. ياز ده هر تاماندن
باله لر كېلىب، دريا ده چۆمىله ديلر.

يوقا ريده گى متنده هر گپ نىنگ آخريده نقطه بېلگى سى
قۇيىلگن. شو نقطه قۇيىلگن گپ لر، درك گپ لر (خبرى جمله)
دېيله دى.

درك گپ لر نىنگ آخريده نقطه (.) بېلگى سى قۇيىله دى.

* * *

حرمتلى اۆقيتوۋچى!

- ۱- اۆقوۋچىلر گه متندن درك گپ لرنى بىلدىرىنگ.
- ۲- نېچه درك گپ نى تخته گه يازىب، اۆقوۋچىلرگه توشونتىرىنگ.
- ۳- گپ لرنىمه دن توزىلگىنىنى اۆقوۋچىلرگه بىلدىرىنگ.

عزیز اوقوچیلر!

۱- قوییده‌گی متن دن درک گپلرنی تاپیب، اولرنی آیری- آیری یازینگ:

متن

مېن، کتاب نی سېوه‌من. کتاب یخشی یول کورستووچی دیر. کتابسيز، هېچ نرسه نی بیلیم بولمه‌یدی. هر قنچه کپراق کتاب اوقیسنگیز، اوشنچه کۆپ معلوماتگه اېگه بولیب، باریب - باریب بیلیملی، عقللی و عالی معلوماتلی بولمه‌سيز. کتاب اوقیشگه اؤرگه‌نیب قالسنگیز، هېچ قچان یلغوزلیکنی بیلمه‌سيز. عالمر کتابنی اېنگ یخشی دؤست دېب، تن آلگن‌لر. کپلینگ، همېشه کتاب اوقیب، کتابلرنی یخشی سقلب، کتاب بیلن دایمی دؤست بولیب یشه‌لیک.

۲- قوییده‌گی بؤش جایلرنی تۆلدیرینگ:

..... فصلیده گل‌لر آچیله‌دی.

..... بیزینگ دؤستیمیز دیر.

..... فصلیده هوا کۆپ ایسییدی.

..... فصلیده قار یاغیب، هوا ساووق بولمه‌دی.

سینش:

۱- اوقوچیلر، درک گپلرنی تانی‌آله‌دیلمی؟

۲- اوقوچیلر، متن دن درک گپلرنی کورسته‌آله‌دیلمی؟

اوی تاپشیریغی:

درس متنیدن، درک گپلر نی کۆچیریب، دفترلرینگیزگه یازینگ.

قىرىق تۇرتىنچى درس

ھەدەف: درس اسبابلىرى مەھملىگىنى بىلىش، ھەر بىر مەزموننى ئورگىنىش دەرس اسبابلىرىدىن يىخشى فائىدە ئىش.

۱- درس اسبابلىرى نىنگ آتلىرىنى آيتىنگ.

۲- شىبان، درس اسبابلىرىنى اۋزى بىلن صنفگە آلىپ بارمەيدى. شىبان نىنگ بو

ايشى يىخشى مى يا يامان؟



درس اسبابلىرى

شرىف، اوچىنچى صنف دە درس اۋقىيدى. اوصنف دە بىرىنچى و اعلى درجه لى اۋقووچى دىر. بىر كونى اۋقیتووچى، درسنى باشلەگندە، شرىف اۋرنىدن توريب، آيتدى: حرمتلى اۋقیتووچى، انشاءالله كېلگوسى يىلدە اوچىنچى صنف دن تۇرتىنچى صنفگە

كامياب بۇلىب، اۋتەمىز. تۇرتىنچى صنف دە يىنگى مضمونلار درسلىكى
 اۋقىلەدى. ھەر بىر مضمونگە تورلى اسبابلار كېرەك دىر. شو
 كېرەكلى اسبابلارنى بىزىلرگە ايتىپ بېرسىنگىز، مەن بۇلار اېدىك.
 اۋقۇتتۇچى، شەرىف نىنگ سۇراغىدن كۆپ قۇوانىب، اۋقۇتۇچىلارگە
 قەرب ايتدى: عزيز اۋقۇتۇچىلار، مضمونلارنى يىشى اۋرگىنىش اوچون
 تورلى درس اسبابلار كېرەك. خدا خواھلسە، بويىل كامياب
 بۇلسىنگىز، كېلگوسى يىلدە تۇرتىنچى صنفگە اۋتۇب، درس
 اۋقىسىزىلر. تۇرتىنچى صنف دە جەغرافىە، ھندسە، سائىنس، انگلىس
 تىلى و صحت مضمونلار قۇشۇلەدى. جەغرافىە مضمونىگە تورلى
 نقشەلر كېرەك دىر. ھندسە مضمونىگە خط كىش، پركار، تورلى اوچ
 بورچىك (مىثلث) لار، يىرىم دايرە و شۇلرگە اۋخىشە گىن نرسەلر،
 سائىنس-صحت مضمونى اوچون لابراتوارگە كېرەكلى اسبابلار بار.
 عملى ساعىتدە لابراتوار معلمى سىزىلرگە سائىنس-صحت مضمونى
 نىنگ درسلىك اسبابلارنى تانىتەدى.

درس اسبابلارگە از بھابېرگىن ھەر بىر اۋقۇتۇچى، يىشى اۋرگىنە
 آلمەيدى.

ھەرمىتلى اۋقۇتۇچى!

- ۱- درس اسبابلار بارەسىدە اۋقۇتۇچىلارگە سۇزىلگ.
- ۲- اۋقۇتۇچىلارگە مىتدىن درك (خەرى) گېلارنى تاپىپ يازدىرىنگ.
- ۳- امكانى بۇلسە، درس اسبابلارنى صنفگە كېلتىرىپ، اۋقۇتۇچىلارگە كۆرسىتىنگ.

عزيز اوقوچيلر!

- ۱- درس اسبابلىرى رسمىنى چىزىپ، يانيدە آتلىرىنى يازىنگ.
- ۲- قويىدەگى ھەر بىر سۆز بىلەن گەپ توۋىنگ:
- بىرىنچى درجەلى، يىل، كامىاب، درس اسبابلىرى، بەھ، تانىتىش، اۋرگىنىش.
- ۳- مەن دىن نەچچە تە دىرگ گەپ نى كىتابچەلەرنىڭگە يازىنگ.
- ۴- قويىدەگى بۆش جايلىرىنى تۈلدىرىنگ:
- فەلىدە گەللەر آچىلەدى.
- بىزنىڭ دۈستىمىز دىر.

سىنىش:

- ۱- اوقوچىلەر، درس اسبابلىرى بارەسىدە سۆزلەي آلەدىلەرمى؟
- ۲- اوقوچىلەر، درس اسبابلىرىدىن فەيدەلەنىش يۇللەرىنى بىلىپ دىلەرمى؟
- ۳- اوقوچىلەر، درس مەتنى دىن دىرگ (خەبرى) گەپلەرنى كۆچىرىپ، يازە آلەدىلەرمى؟

اوى تاپشۇرىغى:

- قويىدەگى سۇراقلەرنىڭ جەۋابىنى دىفترلەرنىڭگە يازىنگ:
- ۱- شەرىف، قەيسى سەنف دە درس اۋقىيىدى؟
 - ۲- شەرىف، اۋقىتوۋچى سەيدىن قەيسى سۇراق نى سۇرەدى؟
 - ۳- تۇرتىنچى سەنف دە قەيسى مەزمۇنلەر كۆپەيدى؟
 - ۴- درس اسبابلىرىگە بەھ بېرمەگەن اوقوچى، قەندەي اوقوچى دىر؟

قىرق بېشىنچى درس

ھەد: سۇراق گېلر بارەسىدە مەلۇمات تاپىش، سۇراق بېلگى سىدن سۇراق گېلر دە فائىدەلىنىش.


۱- ھاضر قىسى فصل دېر؟

۲- بلىقلىر قەبىرلەدە ىشەيدىلر؟

۳- قلدېرغاچلر قىشەدە قەبىرگە كېتەدىلر؟

۴- بىزلرنىمە اوچون مەكتەبگە بارەمىز؟

۵- آتەنگىز نىمە اىش قىلەدى؟



بۇرى بىلن ھۇكىز

بىركونى بىر آچ بۇرى، پادە چى نىنگ آلدىگە كېلىب: مېن آچ من، مېنىنگ

قارنىم نى تۇيغز، دېدى. پادە چى سۇرەدى: سېن نىمە بېسىن؟

بۇرى جواب بېردى: مېن گۇشت بېىمن. پادە چى ايتدى: يىلاودە ھۇكىزلر

اوتلب يورىيدى. بارىب، اولرنى يى.

بۇرى، يىلاو دە اوتلب يورگن بىر ھۇكىز نىنگ آلدىگە بارىب: مېن سېنى

بېىمن، دېدى.

هۆكيز ايتدى: حاضر مېن اۋت يېب تورىبمن. ياووغىمگە كېلىپ،
 شاخىمنى كۆر. آتە-بابامدن قالگن بىر وصيت نامە شاخىمدە بار. شو وصيتنامە
 نى اۋقى، سۇنگ مېنى يې.
 بۆرى، هۆكيز نىنگ شاخى نى كۆرىش اوچون يقين لشدى. شونده، هۆكيز
 هيت بىلن بۆرىنى شاخىگە كۆتريب، يېرگە اوردى. بۆرى نىنگ باش سويگى
 سىنىپ، اۋلىب قالدى.

* * *

حرمتلى اۋقیتوۋچى!

- ۱- سۇراق گپلرنى اۋقوۋچىلرگە بىلدىرىنگ.
- ۲- نېچە درك گپ نى تخته گە يازىب، اۋقوۋچىلردن، سۇراق گپلرگە
 اۋزگرتىرىش لرىنى بويورىنگ.
- ۳- اۋقوۋچىلر نى ايگى گروپ گە بۆلىنگ. بىرىنچى گروپ، ايگىنچى گروپ
 دن سۇراق سۇره سىن. ايگىنچى گروپ، سۇراقلرگە جواب بېرسىن. شونىنگدىك،
 ايگىنچى گروپ درك گپلر توزىب، بىرىنچى گروپ دن شو درك گپلرنى سۇراق
 گپلرگە اۋزگرتىرىش لرىنى ايسته سىن.

عزیز اوقوچیلر!

- ۱- قوییده‌گی دَرک گپلردن سؤراق گپلر توزینگ:
 - بیر آچ بؤری پاده چی نینگ آلدیگه کپلدى.
 - بؤری ایتدی: مېن گوشت یېمن.
 - ھۆکیز ایتدی: حاضر مېن اوت یېب توریېمن.
- ۲- قوییده‌گی سؤراق گپلردن درک گپلرتوزینگ:
 - تېمیرچی، تېمیردن نیمه‌لر یسه‌یدی؟
 - زرگر، آلتین وکوموش دن نیمه‌لر یسه‌یدی؟
 - رخصتی کونلرده نیمه ایش قیلەسیزلر؟
- ۳- یوقاریده‌گی حکایه نینگ نتیجه سینی ایتینگ.

اېسلتمه:

سؤراق گپلر نینگ آخريده سؤراق بېلگی سی(?) قویيله‌دی.

سینش:

- ۱- اوقوچیلر، سؤراق گپلرنی بېلیب دیلرمی؟
- ۲- اوقوچیلر، سؤراق بېلگی سینی گپلرده ایشلته آله‌دیلرمی؟
- ۳- اوقوچیلر، بؤری بیلن ھۆکیز نینگ حکایه سینی بېلیب دیلرمی؟

اوی تاپشیریغی:

بؤری بیلن ھۆکیز نینگ حکایه سینی دفترلرینگیزگه یازیب کپلینگ.

قیرق آلتینچی درس

هدف: آته لر سۆزی باره سیده معلومات تاپیش و اولردن فایده لنیش یول لرینی

بیلیش.

۱- آته لر سۆزیدن نه چی ته نی آیتینگ؟

۲- "قوش، قناتی بیلن اوچر" ده گن ضرب المثل باره سیده سۆزلنگ.

۳- آته لر سۆزی نینگ فایده سی حیاتی میز ده نیمه دیر؟

* * *

آته لر سۆزی

- آته لر سۆزی، عقل نینگ کۆزی.
- قی می رل گن، قیردن آشر.
- سیز آغزی میز، سېنگه بارمه سین.
- قوش، قناتی بیلن اوچر.
- دؤست ییغله تی ب گپی رر، دشمن کولدی ریب.
- کتّه لیک خدا گه یره شر.
- بو گونکی ایشنی ابرته گه قؤیمه.
- خیرلی ایش نینگ تېز بؤلشی یخشی.
- اوی گه بار، تختینگ نی کؤر- بازار گه بار، بختینگ نی کؤر.
- نان نی کتّه تیشله سنگ تیشله، گپنی کتّه گپی رمه.
- یامان کونلر یخشی بؤلر، یامان آدم یخشی بؤل مس.

حرمتلى اوقىتوۋچى!

- ۱- يوقارىدەگى آتەلر سۆزلرى نىنگ معنا سىنى اوقوۋچىلرگە توشونتىرىنگ.
- ۲- ھەر بىر اوقوۋچى دن يوقارىدەگى آتەلر سۆزىدن بىرتە سىنى سۆرەنگ.
- ۳- باشقە حكمتلى سۆزلر و مقاللر نى بىلسىنگىز، اوقوۋچىلرگە آيتىنگ.

عزيزاوقوۋچىلر!

- ۱- قويىدەگى آتەلر سۆزى نىنگ بۆش جايلرىنى تۈلدىرىنگ:
 - قىمىرلگن
 - قوش
 - گپ نى
 - بازارگە بار
- ۲- قويىدەگى ھەر بىر سۆز بىلن بىر گپ توزىنگ:
قىر، آغىز، قنات، ايش، بازار، كتە، يامان، يخشى.
- ۳- آتەلر سۆزىنى دفترلىنگىزگە يازىنگ؛ سۆنگ ھەر بىر اوقوۋچى بىر مقال نى آيتىپ،
او بارە دە سۆزلىسىن.

سىنىش:

- ۱- اوقوۋچىلر، يوقارىدەگى آتەلر سۆزلرىنى بىلىپ دىلرمى؟
- ۲- اوقوۋچىلر، آتەلر سۆزلرىدن فايدهلنىش يۇللرىنى بىلىپ دىلرمى؟

اوى تاپىشرىغى:

آلتىتە آتەلر سۆزىنى دفترلىنگىزگە يازىپ كېلىنگ.

قىرق يېتىنچى درس

ھەدەف: بويروق گپلرنى بىلىش و متندە ايشلەتەيشىنى اۋرگەنىش.

- ۱- سۆزلىش آدابى ھەقىدە سۆزلەي آلسەنگىز، سۆزلىگ.
- ۲- اۋقەتوۋچى سۆزلەياتگەن پەيتدە نەمەلرنى مراعات قىلەيلىك؟
- ۳- "بويروق گپ" دەپ، نەمە نى ایتەدیلر؟ بىلسەنگىز، ايكەتە بويروق گپ نى ایتىنگ.



سۆزلىش آدابى

سۆزلىش دن آلدەن، اۋىلىگ. كۆپ گپىرمەگ. كۆپ بلەند و يا كۆپ
آھستە گپىرمەگ. كەشى گپىرىپ تورگەندە، گپىنى بۆلمەگ. بىر كەشى نىنگ
كەچىلىگى گە كولمەگ.

قويىدەگى متندە بويروق گپ ايشلەتەلىگەن، دقت قىلىنگ:

اۋتەگن يىل طەرل، ايكەنچى صەنف نى يەشى اۋقەب توگتەدى. بشىر
اۋغەلىم، سەن ھەم كەلگۈسى يىلدە اۋچىنچى صەنف گە اۋتە سەن. بو يىل كۆپراق

محنت قىل، كۆپراق ئوقىيىپ، كۆپراق ئۆزگەن. ئوقۇتقۇچى نىنگ گۇپلىرى گە
كۆپراق دقت قىل.

حرمتلى ئوقۇتقۇچى!

- ۱- بۇيرۇق گۇپلىرىنى ئوقۇتقۇچىلەرگە بىلدۈرىنىڭ.
- ۲- يوقارىدەگى متن دە ايشلەتلىگەن بۇيرۇق گۇپلىرىنى ئوقۇتقۇچىلەرگە بىلدۈرىنىڭ.
- ۳- ھەر بىر ئوقۇتقۇچىگە بىر بۇيرۇق گۇپلىنى تخته گە يازىشنى بۇيۇرىنىڭ.

عزيز ئوقۇتقۇچىلار!

- ۱- قۇيىدەگى بۇيرۇق گۇپلىرىنىڭ بۇش جايلىرىنى تۇلدۈرىنىڭ:
 - سۆزلىش دن آلدىن
 - بىر كىشى نىنگ خطا يا
 - كۆپراق ئوقىنىڭ
 - ئوقۇتقۇچى نىنگ گۇپلىرىگە
- ۲- مەتندەگى بۇيرۇق گۇپلىرىنى دفتىرلىنىگىزگە يازىپ، اوندن سۇنىڭ، ھەر بىر ئوقۇتقۇچى
ئۆزىدىن تۇرىپ ئوقىسىن.

سېنىش:

- ۱- ئوقۇتقۇچىلار، بۇيرۇق گۇپلىرىنى بىلىپ دىلەرمى؟
- ۲- ئوقۇتقۇچىلار، بۇيرۇق گۇپلىرىنى ايشلەتە آله دىلەرمى؟

اوى تاپشۇرىغى:

قۇيىدەگى بۇيرۇق گۇپلىرىنى دفتىرلىنىگىزگە يازىنىڭ:

- ۱- دىيادە تىنچلىك ىشەسىن.
- ۲- عزيز ئوقۇتقۇچى، سېنى يىخشى اوقى و آدابلى بۇل.
- ۳- حرمتلى دۇستىم صدق جان، كتاب اوقى.
- ۴- مرادجان، بىزنى اونۇتمە.

قىرق سگىزىنچى درس

ھدف: بىرلىك و بىردىملىك بارەسىدە مەلۇمات تاپىش و تىرىكچىلىك دە اوندىن

فايدەلىنىش.

۱- بىرلىك بارەسىدە سۆزلەي آلەسىزمى؟

۲- بىرلىك بارەسىدە بىرەر ھكايە بىلسىنگىز، آيتىنگ.

۳- اتفاق سىزلىك بارەسىدە سۆزلىگ.



كېكسە دەھقان

بىر كېكسە دەھقان نىنگ يېتى اوغلى بارايدى. دەھقان، اوغىللىرى بىلن بىرگە
يشىرايدى. بابە دەھقان نىنگ اوغىللىرى اورماندىن اوتىن آلىپ كېلىپ ايدىلر و بابە
دەھقان اولر كېلتىرگن اوتىنلارنى بازارگە آلىپ بارىپ، ساتىرايدى.

بابە دەھقان نىنگ خاتىنى سىگىرلەرگە قرەب، سوتىنى ساغىپ، قىتىق، قىماق،
سرىغ ياغ و باشقە سوت محصولاتىنى كىچكىنە اوغلىگە بېرىپ، بازارگە

ییاراڤدی. بابە دهقان نینگ کیچکینه اوغلی بولر نی ساتیب، پولینی آلیب
کپلر اڤدی.

بابە دهقان نینگ اوغیل لری کۆپ محنت کش اڤدیلر؛ لېکن کیچیک-کیچیک
اهمیت سیز گپلر اوچون اؤز ارا اتفاق لری بوزیلیب تورراڤدی. شو اتفاق سیزلیک
دایم اولر نینگ نالرینی زهرگه ایلنتیریپ، شیرین کونلرینی اچیق قیلگن اڤدی.
بیر کونی ایکی اوغلی بیر-بیری بیلن، اوریشیب آلیشیپ قالدی. بابە
دهقان نینگ خاتینی اولر نی اییرماقچی بولیب، آرهلرگه توشدی. بو جنجال
کیچقورون ده بؤلگنی اوچون دهقان نینگ خاتینی، باله لری بیلن بند بولیب،
تاووقلر کتگی اېشیکگی نینگ بېرکیتیش نی اونوتیب قویدی. کېچه سی شغال
کېلیپ، کتککه کیریپ، برچه تاووغلرینی یېدی.

بیرکونی بابە دهقان، قوی و اېچکی لرینی هیدهب، اؤتله تیش اوچون آدیرگه
آلیب کپتدی. او، اېچکی-قوئلرینی اؤتله تیب تورگنیده، کیچیک اوغلی چاپیب
کېلیپ، اونگه ایتدی:

آته جان، تېزراق اویگه بارینگ! اکهلریم بیر-بیرلری بیلن، اوریشیب
توریدیلر. بابە دهقان اویگه کېلیپ قرهسه، ایکی اوغلی بیر-بیرینی باسیب
اوریب یاتگن اېکن. بابە دهقان اولر نی بیر-بیریدن آیریپ، ینه اوریشیب
قالمسلیکلری اوچون اویده قالدی. او، کیچیک اوغلیگه، آدیرگه باریپ، قوی
و اېچکی لرگه قرهه توریش نی بویوردی.

کیچیک اوغلی آدیرگه باردی. قرهسه، بیر اېچکی اولیب قالیددی. بابە
دهقان بوخبرنی اېشیتیپ، کۆپ سیقیلدی. اوغیل لرینی ملامت قیلیپ، ایتدی:
سیزلر نینگ اتفاق سیزلیگینگیز کثافتیدن تاووقلر نی شغال یېدی و بیر اېچکی

هم اۋلدى. قچان گچه بوندهى یشهى سىزلر؟ اتفاقسىزلىك برچه نرسه لرنى يۇق قىلەدى، حتى كه دريا سووى نى هم قورىتهدى.

بابە دهقان، اۋغىل لرى نىنگ اتفاق سىزلىك لرىدن يوره گى قان اېدى؛ اما اۋغىل لرى بىلن نىمه قىلىشىنى بىلمس اېدى. بىر كون بابە دهقان آغىر كسل بۇلىپ قالدى. اۋلىمى ياووق لشگنى نى بىلىپ، اۋغىل لرى نى آلدىگه چارلب، كته اۋغلىگه، درخت دن يېتى ته خىمچه كېسىپ كېلتىرىش نى، بويوردى. كته اۋغلى، يېتى ته خىمچه نى كېسىپ كېلدى. بابە دهقان خىمچەلر نى بىر ايپ بىلن باغلب، اۋغىل لرىگه بېرىپ ايتدى: بولر نى سىندىرىنگ! اۋغىل لرى هر قنچه اورىندى لر، سىندىره آلمه دىلر. سۋنگ، بابە دهقان باغلنگن خىمچەلرنى آلىپ، ايپى نى آچدى و هر اۋغلى گه بىرته - بىرته خىمچه بېرىپ، اولر نى سىندىرىنگ، دېدى. كىچىك اۋغلى همەدن آلدىن خىمچه نى سىندىردى. باشقەلرى هم آسان گىنه خىمچەلر نى سىندىردىلر. بابە دهقان اۋغىل لرىگه قرەب ايتدى:

سىزلر هم باغلنگن خىمچەلر دېك بىر- بىرىنگىزگه سويەنىپ، اتفاق و بىرلىگدە ىشەسنگىز، هېچ كىم نىنگ كوچى سىزلرگه يېتمەيدى؛ اما اگر يكه لنتىرىلگن خىمچەلر دېك اتفاق سىز بۇلىپ، بىر- بىرىنگىز دن ايرىلىپ ىشەسنگىز، هر كىم سىزلر نى سىندىرىپ يېنگە آلهدى. بابە دهقان نىنگ اۋغىل لرى آتەلرى نىنگ نصيحتى نى اېشىتىپ، چوقور معنا سىنى انگلەدىلر و بوندن كېين هېچ قچان اتفاق سىز بۇلمەى، بىرلىك و بىردملىكدە ىشش گه عهد قىلدىلر. بابە دهقان اۋغىل لرىدن راضى بۇلىپ، اولر نى آلقەدى.

حرمتلی اوقیتووچی!

- ۱- کپکسه دهقان نینگ حکایه سی نی اوقووچیلر گه بیلدیرینگ.
- ۲- حکایه نینگ نتیجه سینی اوقووچیلر گه ایتینگ.
- ۳- شونگه اؤخشه گن بیرار حکایه نی بیلسنگیز، ایتینگ.

عزیز اوقووچیلر!

- ۱- کپکسه دهقان حکایه سی نینگ نتیجه سینی دفترلرینگیز گه یازینگ.
- ۲- قویده گی هر بیر سؤز بیلن بیر گپ توزینگ:
- اؤغیل، اؤتین، سریغ یاغ، کیچیک، اچیق، تاووق، کتک.

سینش :

- ۱- اوقووچیلر، کپکسه دهقان حکایه سی نی بیلیب دیلرمی؟
- ۲- اوقووچیلر، اتفاق سیزلیک نتیجه سی نی بیلیب دیلرمی؟
- ۳- اوقووچیلر شونده ی باشقه حکایه ایته آله دیلرمی؟

اوی تاپشیریغی:

کپکسه دهقان حکایه سی فایده لری حقیده بیر جمله یازینگ.

معارف ترانه سی

عرفان شعاریمیز علم اعتباریمیز
دانش نی اورگنیش کوپ افتخاریمیز

بیز دانش اهلی میز تعلیم شعاریمیز

فن بیرله یشنه گه ی اوشبو دیاریمیز

علم اورگنیش اوچون سعی و عمل قیلیب
بیز آغله باره میز خدمتگه اینتیلیب

بیز دانش اهلی میز تعلیم شعاریمیز

فن بیرله یشنه گه ی اوشبو دیاریمیز

تعلیم ابرورگهر تعلیم چوتاج سر
هرکیمسه نی بیلک مقصدگه یپتکیزر

بیز دانش اهلی میز تعلیم شعاریمیز

فن بیرله یشنه گه ی اوشبو دیاریمیز

مردانه ایش قیلینگ بؤلگی سیز اهل فن
یشنربوگون وطن علم و عمل بیلن

بیز دانش اهلی میز تعلیم شعاریمیز

فن بیرله یشنه گه ی اوشبو دیاریمیز

(غلام سخی وکیل زاده اندخویی)

اۋزېك تېلى

اۋچىنچى صنف درسلىك كىتابى

سۆزلىك (لغتنامه)

مقال، ضرب المثال، حكمتلى سۆزلىر.	■ آتە لر سۆزى:
تىپە، تىپەلىك.	■ آدىر:
وسىلە سى، واسطە سى، طريقە بىلن.	■ آرقة لى:
زهر، سم.	■ آغو:
قىزىل گە اۋخشش، آلتون دېك، قىزىل تاش.	■ آلتاش:
بويوك و كوچلى باتير، يىگىت و تاغ نامى.	■ آلتاي:
آلدين، ايلگرى.	■ آلغە:
اۋز آنە سىدن اۋرگىن تىل، بىرىنچى اۋرگىن تىل.	■ آنە تىل:
آت قۇيماق، مسما قىلماق.	■ اتلماق:
سقلە ماق.	■ اسره ماق:
يۇل - يۇرىق، قاعدە - قانون لر.	■ اصول:
اهميت، ارزش، توجه.	■ اعتبار:
ملاقات قىلماق، روبرو كېلماق، دچارېۇلماق.	■ اوچر شماق:
مادە.	■ اورغاچى:
تخم، قوم و قبيله.	■ اوروغ:
كوچلى، غيرتلى.	■ اوكتىم:
اۋسىش، كتە بۇلىش.	■ اولغە يىش:
ندائيه.	■ اونداو:
بويوك، محترم.	■ اولوغ:
اېس دن چىقارماق، فراموش قىلماق.	■ اونوتماق:

اۋنوتىمسلىك:	اۋنوتىمسلىك، فراموش قىلمىسلىك.
اۋى:	اۋىلى، منزل.
اۋىغون:	هماهنگ، متناسب.
اۋرتاق:	دۋست، رفيق.
اۋرمان:	جنگل.
اۋرنك:	نمونه، مثال.
اۋرىك:	زردالو.
اۋرىن:	جاي، مقام.
اۋزگريش:	تغىير، تحول.
اۋزگه:	بىگانه، باشقه، غير.
اۋسىملىك:	بىردن كۆكريب چقىپ، قد كۆترە دىگن كۆكتلەر، نباتات.
اۋقووچىلەر:	تعليم و درس اۋرگنوۋچىلەر، شاگرد، متعلم.
اۋگيت:	پند و نصيحت، حكمتلى سۆز.
اۋى:	فكر، خيال، اندیشه، تصور.
اياۋ:	درىغ.
اياۋسىز:	بى رحملىك، بى درىغ.
ايتماق:	دېماق، گپىرماق، سۆزلىماق.
ايچىملىك:	ايچىلە دىگن، نوشيدنى.
ايرى:	عليحده، ايرىلگن، جدا.
ايرى-ايرى:	عليحده-عليحده، جدا-جدا.
اىستك:	آرزو، اميد، خواهش.
ايشچى:	كارگر، ايش قىلە دىگن كىشى.
ايلدم:	تيز، به سرعت.
ايلدىرىم:	صاعقه، چقماق، الماسك.
ايناق:	دۋست، مونس، هم فكر.
اينتىلماق:	كۆشش قىلماق، سعى و تلاش قىلماق.

■ آييق:	خرس.
■ اېرك:	آزادليک، اختيار.
■ اېرکين:	آزاد، مستقل، اختيارلي.
■ اېس:	فکر، خاطر، حافظه.
■ اېسماق:	شمال نينگ حرکتی.
■ اېکين:	اېکيلگن نرسه لړ. کشت.
■ اېل:	مردم، اولوس، ملت.
■ اېليک:	اولوس نينگ خانی و اولوغی.
■ اېلتای:	اولوس نينگ غيرتلی فرزندی، اېل نينگ ييگیتی.
■ بنا:	اساس، بنياد، توب.
■ بورون:	ايلگری، آلدین.
■ بورونغی:	آلدینگی، ايلگریگی.
■ بولاق:	چشمه.
■ بویروغ (بویروق):	فرمایش، امر، فرمان.
■ بوش:	خالی، سست.
■ بویاق:	رنگ.
■ بیر- بیرین:	بیر- بیرینی.
■ بیردمليک:	اتحاد، بیرليک، همکارليک.
■ بیرليک:	مفرد، وحدت.
■ بهرکيتماق:	ياپماق، قبه ماق، محکم قبلماق.
■ بهزه لماق:	آرایش بؤلماق، یسنماق.
■ بهلگی:	نشانه، علامه.
■ پاله پان:	جوخه، قوشلرنينگ باله سی.
■ پولک:	بليق تېری سی یوزیده گی یلتیراق تنگه چهلر، فلس.
■ تاپشیریق (تاپشیریغ):	وظیفه، کار.
■ تازه:	پاک.

تالہ:	رشتہ۔
تامچی:	قطرہ۔
تاوشقان:	قویان، خرگوش۔
ترقتووچی:	نشر قیلووچی، رواج بہروچی۔
تصدیق:	تائید، قبول۔
تہنگری:	خدا "ء"۔
توتون:	دود۔
وحید:	یگانہ لیک، بیرلیک۔
تورلی:	هرخیل، هر رقم۔
تورلی-تورلی:	رنگارنگ، هرخیل، خیل مه خیل۔
توزاق:	دام۔
توزماق:	توزه تماق، یره تماق، ترتیب قیلماق۔
توشونتیرماق:	بیلدیرماق، بیر نرسه نینگ معنا سی نی انگلتماق۔
توشونماق:	بیلماق، درک قیلماق، فهم لماق۔
توگتماق:	اداگیگه یتکیزماق، تمام قیلماق۔
توپلنگن:	بیغیلگن، جمع بؤلگن۔
تینچ:	آرام، آسوده، راحت۔
تہورہک:	تیگرہک، اطراف۔
چلینماق:	اوریلماق، اہشیتیلماق۔
چومالی:	مورچہ۔
چیدہم:	صبر، تحمل، طاقت۔
چیزماق:	رسم قیلماق۔
چیقیندی:	نرسه لر نینگ قالدیغی، کثافت، یره مس و کپرہک سیز نرسه لر۔
چین:	توغری، حقیقت۔
چین کؤنگلدن:	یورہک دن، یورہک نینگ تصدیق لشی بیلن۔
چہت:	گوشہ، اورتہلیک نینگ اطرافلری، کنار۔

تیریکلیک قیلماق، یشه ماق.	■ حیات سورماق:
مخصوص، علیحده، باشقه لرگه اوخشه مس.	■ خاص:
یاو، دشمن.	■ خصم:
توده، جمعیت، تیل، عادت و کۆپ تمانلردن مشترک	■ خیل:
خصوصیت لری بؤلگن بیر گروه.	
دشت.	■ دله:
کلکین، دریچه.	■ دېره زه:
بحر، اوقیانوس.	■ دېنگیز:
اوخشش لیک و قوشیمچه سی.	■ دېک:
آیت، سۆزله، گپیر.	■ دېگیل:
رحم و شفقت، تشکر قیلش.	■ رحمت:
پیغمبر، پیام آلیب باروچی، ییباریلگن.	■ رسول:
دستپاک.	■ ساچیق:
سالم.	■ ساغلام:
سرکرده، مهارت بیلن قیلیچ ساله دیگن کیشی.	■ سالار:
بیر آوچی قوش نینگ آتی.	■ سنجر:
قده لماق.	■ سنچیماق:
سووده حرکت قیلماق، آب بازلیک، شنا.	■ سوزماق:
سوال.	■ سؤراق:
سوال قیلماق.	■ سؤره ماق:
لغت، کلمه.	■ سؤز:
گپیرماق.	■ سؤز لماق:
سرسبز و خوش آب و هوا.	■ سؤلیم:
آخر، اداغ، خاتمه، کپین.	■ سؤنگ:
اوغلاق آتی نی باقووچی کیشی.	■ سهییس:
کیچیک خواهر.	■ سینگیل:

سېزگير:	هوشييار، حس اېتووچى، حساس.
سېزماق:	حس قيلماق.
سېوملى:	عزيز.
شاشماق:	عجله قيلماق، تېزلىك بيلن بيرايىش يا حركت نى بجرماق.
طغرل(توغرل):	بير اوچى قوش نينگ آتى.
طيه:	پاك.
قاپلان:	پلنگ.
قابوغ:	پوست، تشقى حمايوى پوست.
قالديق:	نرسه لر نينگ كېره ك سيز و قالديق قسمى.
قاوشتيرماق:	باغله ماق، وصل قيلماق، پيوند قيلماق.
قرشى:	مقابل، جلو، ضد.
قوتلش:	تبريك لماق، مبارك دېماق.
قوله يليك:	مناسب ليك.
قوانچ:	خوشليك.
قوانماق:	خرسند بولماق.
قورناق:	خرسند، ذوق و شوق دن توله.
قويى:	آست، بيرنرسه نينگ پست تامانى.
قيغو:	غم.
قوشنى:	همسايه.
قوشيمچه:	سۆزلر آخريگه قوشىليب، ينگى سۆزلر يساوچى حرفلر.
قوشيمچه:	وند (پيشوند، پسوند و ميانوند).
قونماق:	يوقارى دن پست گه توشيب اولتيرماق.
قيزغلداق:	لاله گلى نينگ بير تورى.
قيزيقتيرماق:	علاقه مند قيلماق، تشويق قيلماق.
قيين چيلىك:	مشكلات، آغير وضعيت.
قيينلماق:	عذاب چېكماق، قيين چيلىككه توشماق.

کثافت:	■	اخلت، ناپاکلیک.
کوز فصلی:	■	خزان موسمی، میزان، عقرب و قوس آیلرینی اوز ایچیگه آلگن فصل.
کوموش:	■	نقره.
کۆپلیک:	■	جمع.
کۆچیرماق:	■	بیر جای دن باشقه جای گه آلیب بارماق، کتاب یوزیدن کاغذ یا دفتر گه قیته یازیش.
کۆرکم:	■	چیراییلی، سرسبز.
کۆکت:	■	سبزی (ترکاری).
کۆنگیل:	■	یورهک، ضمیر.
کېکسه:	■	قری، کته یاشلی.
کېلیشیک:	■	اضافت و ربط و وصل حرفلری.
کېمه:	■	کشتی.
گپ:	■	جمله، بیردن کۆپراق سۆزلردن تشکیل تاپگن معنالی و فعل لی عبارت.
گۆزه ل:	■	چیراییلی، کۆزگه یخشی و زبیا کۆرینه دیگن.
محنت:	■	زحمت، کۆشش.
مسلمان:	■	اسلام دینی گه پیرو کیشی، اسلام کېلتیرگن.
موقعیت:	■	جای.
مؤمن:	■	درستکار، صادق، امین.
میییز:	■	قوریتیلگن اوزوم.
مۆلجل:	■	نشان، هدف.
میسسه:	■	اوت، گیاه، علف.
مهرگن:	■	اوقچی، صیاد.
مېش:	■	مشک.
ناشپۆتی:	■	ناک.
نقطه سیز:	■	بی نقطه، نقطه سی بۆلمه گن.
نقطه لی:	■	نقطه دار.

نویان:	شهزاده، امیر، سر کرده.
وازکېچماق:	بوتونلی، صرف نظر اېتماق.
هاریماق:	چرچه ماق.
هید:	ایس، بورون آرقله لی سبزیله دیگن یخشی ویا مان ایس.
هیداوچی:	راننده، مؤتر، ارا به و باشقه نرسه لرنینگ هیده یدیگن کیشی.
هییت:	عید، بیرهم.
یاردم سؤرهش:	کمک و مدد ایستش.
یاروتماق:	یاختی قیلماق، روشن قیلماق.
یاروغ لیک:	یاختی لیک، روشنائیک.
یاز:	تابستان.
یازماق:	بییتماق، تحریر قیلماق.
یاغاچ:	درخت، چؤب، شاخه.
یاغدو:	نور.
یاو:	دشمن، غنیم.
یاوایی:	وحشی.
پیراغ (پیراق):	برگ.
یراقلی:	یره یدیگن، مناسب.
یره شه:	مناسب، برابر، موافق.
یره لنماق:	زخمی بؤلماق، یره دار بؤلماق.
یشه ماق:	تیریکلیک قیلماق، عمرکۆرماق، یشه ماق.
یشیل:	سبز.
یلغوز:	یکه، تنها.
یم-یشیل:	سبز و خرم، سرسبز، کامل سبز.
یورت:	وطن، اولکه.
یوکسه لیش:	ترقی قیلیش، پیشرفت قیلیش.
یومشاق:	نرم، ملایم.

ملايم و سست قيلماق.
همراه.
رهنما، سواری، راکب.
اوتلاق، چراگاه.
کافی.
شمال، نسیم.

■ یومشتماق:
■ یولداش:
■ یوللاوچی:
■ ییلاو:
■ ییترلی:
■ ییل: